


MEKTEBO MİYANIN ZAZAKİ KITABÊ MUSNAYİŞİ



7



DEVLET KİTAPLARI
BİRİNCİ BASKI

....., 2019

MİLLÎ EĞİTİM BAKANLIĞI YAYINLARI: 7151
YARDIMCI VE KAYNAK KİTAPLAR DİZİSİ: 1292

Her hakkı saklıdır ve Millî Eğitim Bakanlığına aittir. Kitabın metin, soru ve şekilleri kısmen de olsa hiçbir surette alınıp yayımlanamaz.

Editor

Öğr. Gör. Murat VAROL

NuŖtođı

Öğr. Gör. Murat VAROL

Öğr. Gör. İbrahim DAĞILMA

Öğr. Gör. BuŖra GÖKALP

Öğr. Gör. Ayetullah KARABEYESER

Nurettin KAYĞISIZ

Nurullah VERGİ

ISBN 978-975-11-5016-5

Millî Eğitim Bakanlığı, Talim ve Terbiye Kurulunun 25.06.2019 gün ve 12161004 sayılı yazısı ile eğitim aracı olarak kabul edilmiş, Destek Hizmetleri Genel Müdürlüğünün gün ve sayılı yazısı ile birinci defa adet basılmıştır.



İSTİKLÂL MARŞI

Korkma, sönmez bu şafaklarda yüzen al sancak;
Sönmeden yurdumun üstünde tüten en son ocak.
O benim milletimin yıldızıdır, parlayacak;
O benimdir, o benim milletimindir ancak.

Çatma, kurban olayım, çehreni ey nazlı hilâl!
Kahraman ırkıma bir gül! Ne bu şiddet, bu celâl?
Sana olmaz dökülen kanlarımız sonra helâl.
Hakkıdır Hakk'a tapan milletimin istiklâl.

Ben ezelden beridir hür yaşadım, hür yaşarım.
Hangi çılgın bana zincir vuracakmış? Şaşarım!
Kükremiş sel gibiyim, bendimi çiğner, aşarım.
Yırtarım dağları, enginlere sığmam, taşarım.

Garbın âfâkını sarmışsa çelik zırhlı duvar,
Benim iman dolu göğsüm gibi serhaddim var.
Ulusun, korkma! Nasıl böyle bir imanı boğar,
Medeniyet dediğin tek dişi kalmış canavar?

Arkadaş, yurduma alçakları uğratma sakın;
Siper et gövdeni, dursun bu hayâsızca akın.
Doğacaktır sana va'dettiği günler Hakk'ın;
Kim bilir, belki yarın, belki yarından da yakın.

Bastığın yerleri toprak diyerek geçme, tanı:
Düşün altındaki binlerce kefensiz yatanı.
Sen şehit oğlusun, incitme, yazıktır, atanı:
Verme, dünyaları alsan da bu cennet vatanı.

Kim bu cennet vatanın uğruna olmaz ki feda?
Şüheda fışkıracak toprağı sıksan, şüheda!
Cânı, cânânı, bütün varımı alsın da Huda,
Etmesin tek vatanımdan beni dünyada cüda.

Ruhumun senden İlahî, şudur ancak emeli:
Değmesin mabedimin göğsüne nâmahrem eli.
Bu ezanlar -ki şehadetleri dinin temeli-
Ebedî yurdumun üstünde benim inlemeli.

O zaman vecd ile bin secde eder -varsa- taşım,
Her cerîhamdan İlahî, boşanıp kanlı yaşım,
Fışkırır ruh-ı mücerret gibi yerden na'sım;
O zaman yükselerek arşa değer belki başım.

Dalgalar sen de şafaklar gibi ey şanlı hilâl!
Olsun artık dökülen kanlarımın hepsi helâl.
Ebediyyen sana yok, ırkıma yok izmihlâl;
Hakkıdır hür yaşamış bayrağımın hürriyyet;
Hakkıdır Hakk'a tapan milletimin istiklâl!

Mehmet Âkif Ersoy


GENÇLİĞE HİTABE

Ey Türk gençliği! Birinci vazifen, Türk istiklâlini, Türk Cumhuriyetini, ilelebet muhafaza ve müdafaa etmektir.

Mevcudiyetinin ve istikbalinin yegâne temeli budur. Bu temel, senin en kıymetli hazinendir. İstikbalde dahi, seni bu hazineden mahrum etmek isteyecek dâhilî ve hâricî bedhahların olacaktır. Bir gün, istiklâl ve cumhuriyeti müdafaa mecburiyetine düşersen, vazifeye atılmak için, içinde bulunacağın vaziyetin imkân ve şeraitini düşünmeyeceksin! Bu imkân ve şerait, çok namüsaît bir mahiyette tezahür edebilir. İstiklâl ve cumhuriyetine kastedecek düşmanlar, bütün dünyada emsali görülmemiş bir galibiyetin mümessili olabilirler. Cebren ve hile ile aziz vatanın bütün kaleleri zapt edilmiş, bütün tersanelerine girilmiş, bütün orduları dağıtılmış ve memleketin her köşesi bilfiil işgal edilmiş olabilir. Bütün bu şeraitten daha elîm ve daha vahim olmak üzere, memleketin dâhilinde iktidara sahip olanlar gaflet ve dalâlet ve hattâ hıyanet içinde bulunabilirler. Hattâ bu iktidar sahipleri şahsî menfaatlerini, müstevlîlerin siyasî emelleriyle tevhit edebilirler. Millet, fakr u zaruret içinde harap ve bîtap düşmüş olabilir.

Ey Türk istikbalinin evlâdı! İşte, bu ahval ve şerait içinde dahi vazifen, Türk istiklâl ve cumhuriyetini kurtarmaktır. Muhtaç olduğun kudret, damarlarındaki asil kanda mevcuttur.


Mustafa Kemal Atatürk



MUSTAFA KEMAL ATATÜRK

FİHRİST

UNİTEYA 1. MEKTEB U HEYATÊ MI



9-24

UNİTEYA 2. EZ U KEYEYÊ XU



25-40

UNİTEYA 3. BEDEN U SIHET



41-56

UNİTEYA 4. WER U ŞİMITIŞ



57-72


FIHRIST

UNİTEYA 5. MEWSİM U TEQWİM



73-88

UNİTEYA 6. TRAFİK U SEYAHET




89-104

UNİTEYA 7. XEBATA SERBEST



105-122

FERHENG



121-131

RIPELÊ SEMBOLAN



wendiş



goşarikerdiş



nuştîş



qıseykerdiş



goşarikerdiş u nuştîş



goşarikerdiş u qıseykerdiş



goşarikerdiş u wendiş



wendiş u qıseykerdiş



wendiş u nuştîş

Uniteya 1.

MEKTEB U HEYATÊ MI



1 Goştari bikerên u bîwanên



ŞILAN ŞIYA KITABXANE

Melmê Şilan, yo wezîfe da bî Şilan. A, qey wezîfeyê xu şî kitabxaneyê mektebi. Wezîfeyê xu mocna wezîfedarê kitabxaneyi. Wezîfedar, oniya kağîdi ra sareyê xu şa tê u Şilan ra va:

-Ino kitab kitabxaneyê ma dî çin o.

Şilan zaf qehîriya u va:

-Ez inka se kena, wezîfeyê xu seni vîrazena!

Wezîfedar oniya Şilan zaf qehîriyawa, peşmîriya u va:

-Keynaya delal u rînd, tî çira xu qehîrnena! Ino kitab, kitabxaneyê ma dî çin o; labelê kitabxaneyê şarîstani dî esto.

Ina qal ser ra keyfê Şilan ame ca. Şilan, wezîfedari rê teşekur kerd u şî.

Şilan roco bin şî kitabxaneyê şarîstani. Ino kitabxane, keyeyê Şilan ra duri bî. Şilan pê wesayit şî kitabxaneyê şarîstani. Wext Şilan berê kitabxaneyi ra kot zerre, şaş mend. Şilan xu bî xu va, ino kitabxane dî çendêk zaf kitabî estî! Tî vanî qey riyê erdî ser çendêk kitabî estî, hemeyê inan arêdayî u ardî ino kitabxane.

Şilan verê xu tada kameci het, uca dî kitabî diyî. Verniya ay dî kitabî, peyniya ay dî



kıtabi, kışta raşt dı kıtabi, kışta çep dı kıtabi... Kıtabi goreyê tewıran u dehkeraya inan rafan dı ciya ciya roniyayi bi.

Kışta beri dı yo masa est bi. Wezifedarê kıtabxaneyi masa dı ronışt bı. Şilan, şı hetê wezifedari. Şilan selam da cı, wezifedari selamê Şilan girot u va:

-Keynaya delal! Tı çita wazena, ez tu rê seni ardım bıkeri? Şilan va:

-Mı rê kıtabêk lazım o, nameyê kıtabi ino kâğıd dı nusiyayi yo. Wezifeyê mı esto, ez vırazena.

Wezifedari, nameyê kıtabê Şilan komputer dı nuşt u ino kıtab kamci raf dı ca geno tesbit kerd. Veng da yona wezifedari u cı ra va:

-Kıtabê Şilan, qata dıyın, kışta raşt ra rafa çarın dı ca geno, cı rê ardım bıker.

Wezifedari kıtabê Şilan raf dı di u ard. Nameyê Şilan komputerê kıtabxane dı nuşt u kıtab da Şilan.

Şilan zaf keyfweş bi u wezifedaranê kıtabxaneyi rê teşekur kerd. Şilan wext ber ra veciyayên teber, wezifedari veng da cı u va:

-Keynaya delal, ez yo mijdan bıdı tu. Ma emserr yo kampanya vıraştı. Zerreyê hiri aşman dı kamci wendekar tor zaf kıtab bıwano, ma yo xelaya rınd dani cı. Eg tı wazena ma qeydê tu zi vıraz. Şilan va:

-Xura ez çiyêko hına rınd wazena. Nameyê mı zi qeyd bıkerên!

Şilan her roc, dı saeti kıtab wend. Peyniya hiri aşman dı pancyes hebi kıtabi qedınayi u xela qezenc kerd.



1-A Kamci kelimeyi nuşte dı viyereni işaret bikerên



- | | | |
|------------------------------------|---------------------------------|-----------------------------------|
| <input type="checkbox"/> kitabxane | <input type="checkbox"/> defter | <input type="checkbox"/> wendekar |
| <input type="checkbox"/> wezife | <input type="checkbox"/> keye | <input type="checkbox"/> sinema |
| <input type="checkbox"/> melim | <input type="checkbox"/> kay | <input type="checkbox"/> hemberi |
| <input type="checkbox"/> şaristan | <input type="checkbox"/> dew | <input type="checkbox"/> rayir |
| <input type="checkbox"/> wesayit | <input type="checkbox"/> mekteb | <input type="checkbox"/> kurse |

1-B Goreyê nuşteyi cewabê persanê cêrinan binusên



**Ina hikaye dı çitayi
ra behs beno?**

.....

.....

.....

Şexisi ina hikaye kam i?

.....

.....

.....

**Qey ina hikaye hiri
sernuşteyanê neweyan binusên**

.....

.....

.....

**Şıma heta inka kitabxaneyê
şaristanê xu ziyaret kerd
ya nêkerd?**

.....

.....

.....

Ina hikaye kamca dı viyeren?



.....

.....

.....

2

Resimî cêrini çita ani şîma vir, binusên



Resim-1

3 Cumleyanê cêrinan ra kamci raşt i, îşaret bikerên



Îbrahimi seba wezifeyê xu yê mektebi, wesîfî wendakarê holi nuştî; labelê çend wesîfî gelet nuştî. Îbrahimi kamci wesîfî raşt nuştî, inan îşaret bikerên.



Wendekaro hol,
dersanê xu xebitiyeno
u tekrar keno.



Wendekaro hol, tîmotîm
wext dî şîno mekteb u wext
dî ageyreno keyeyê xu.



Wendekaro hol, paşt
nêdano embazanê xu
u inan ra herîdiyeno.



Wendekaro hol,
qey dersan xu rê yo
program vîrazeno
u goreyê inê programi
xebitiyeno.



Wendekaro hol,
wade u doruverê xu
pak geno.



Wendekaro hol,
dersan dî goşdariya
melîmanê xu
nêkeno.



Wendekaro hol,
kîncanê xu keno lêşîn
u muşeqeti keno.



Wendekaro hol,
teber dî embazanê
beredayan dî
geyreno.



Wendekaro hol,
mîqatê defter u
kîtabanê xu beno.



Wendekaro
hol, servisa
rehberi ra
istîfade keno u
embazanê xu dî
pi keno.



Wendekaro hol,
pîlan rê hurmet keno
u qîcan ra hes keno.



Wendekaro hol,
teyna şewa imtîhani
nê her roc dersanê xu
xebitiyeno.



Wendekaro hol, bê qelem u
pakker şîno ders.

Resim-2

MEKTEBÊ MI

Mektebê mı zaf rınd o
 Uca cayê wendîşi yo
 Zê verarda dadi yo
 Timotım ma paweno

Zur, xırab u rıkdari
 İnsani erzên tari
 Ino gure bar o tu ri
 Eg nêger kurmê holi

Melım, kitab u mekteb
 Musayîşi rê sebeb
 Dani ma ilm u edeb
 Tı ino gure ra meb

Tic her roc roşni dana
 Mekteb zi her tım hına
 Keno roşn verniya ma
 Paweno ma cehalet ra

Qelem, defter u pakker
 Forma u kincan bıger
 Bıger inan lez bıker
 Tembeli berz teber






HESKERDIŞ U SERFIRAZÎ

Wextanê verinan dî yo universite dî profesorêk bîbî. Inê profesori, wendekaranê mektebê miyanin ser cıgeyrayiş kerdên u projeyi vıraştên. Profesor semedê cıgeyrayişê yo proje, asistananê xu şıraweno şaristanêkê feqiri. Asistani xu hedre keni u şını ino şaristan. Asistani ino şaristan dî semtêka feqir dî se u vist wendekari ser cıgeyrayiş keni. Projeyê xu hedre keni u peyniya projeyê xu dî hına nuseni: “Verniya inî wendekaran dî çiyêko hol nêseno. Hına fam beno ki zafiya inî wendekaran wendiş ra fek vera dani.” Ino proje xoceyê xu rê şıraweni.

Ino cıgeyrayiş ra hiris serr dıma yona profesor arşiv dî raştê inê projeyi yeno. Ino proje elaqeyê profesori anceno. Çend roci projeyi tetkik keno. Veng dano asistananê xu u piya proje ser qısey keni. Profesor, asistananê xu şıraweno ino şaristan u vano halê inî wendekaran tetkik bikerên.



Asistani lezabez kuweni rayir, şarîstano feqir dı geyreni ini wendekaran. Asistani, weziyetê heme wendekaran tesbit keni u derheqê wendekaran dı melumat arêdani. Ê vineni wendekaran ra teyna çar tenan wendiş veradayo. Ê binan ra têkî biyi melim, têkî biyi toxtor, têkî biyi awukat. Welhesil herkes biyo wayirê kar u gureyi.

Peyniya inê cıgeyrayişi, profesor ser dı zaf tesir keno. Profesor xu bı xu vano; lazımo ez şiyeri ini wendekaran bıvini u inan ra persi. Gelo şıma seni biyi serfiraz?

Profesor, wendekaran vineno u inan dır qısey keno. İnan ra perseno u vano:

-Şıma a tengasi dı seni hındêk serfiraz biyi?

Wendekari vani:

-Pê ğeyretê yo melımi ma serfiraz biyi.

Profesor ê melımi zaf mereq keno. Her cayê şarîstani dı geyreno ê melımi. Benate ra çend roci viyereni, profesor keyeyê melımi vineno. Semedê diyari şıno keyeyê melımi. Profesor, melımi ra perseno u vano:

-Ê wendekaranê feqir u bêçareyan ra seni hındêk melımi, toxtori u awukati veciyayi. Melim pê ina qal beno şa, peşmıriyeno u vano:

-Zaf rehet. Mı wendekaranê xu ra zaf hes kerd.



4-A Goreyê nuşteyi cewabê persanê cêrinan bîdên



1) Profesor kamci wendekaran ser xebitiyeno?

.....

2) Profesor asistananê xu semedê çitayi şıraweno şaristanê feqiri?

.....

3) Asistani çend talebeyan ser cıgeyrayiş kenî?

.....

4) Asistani proje dî çita nuseni?

.....

5) Profesor çend serran ra dîma raştê inê projeyi yeno?

.....

6) Ê talebeyi bibi wayirê kamci meslegan?

.....

4-B Kelimeyanê cêrinan goreyê nuşteyi texmin bikerên u menaya inan binusên



Cıgeyrayiş

.....
.....
.....
.....
.....

Proje

.....
.....
.....
.....
.....

Profesor

.....
.....
.....
.....
.....

Asistan

.....
.....
.....
.....
.....

Melîm

.....
.....
.....
.....
.....

Wendekar

.....
.....
.....
.....
.....

5 Nuşteyê cêrini bîwanên



FUARÊ TEKNOLOJÎ

Merheba. Nameyê mî Adem o. Melîma ma aşmêk inka ra ver xeberêk da ma. Ma ra va, mektebê ma dî qey fen u teknoloji fuarêko qıckek vıraziyeno. Kam qey inê fuari çıta hedre bıkeroy, ma inan ramocneni. Miyanê inan ra kamci holi bi, ma inan vicneni. Ma wayirê inan zi beni teknokentê Diyarbekırî. Ma teknokent dî geyreni, çiyi ki tiya dî esti ma inan vineni.

Mî bî keyf u diqet goşteriya ma xeber kerd. Ez icadanê teknoloji ra zaf hes keno u ez qayil biyo şiyeri Diyarbekır.

Ez yo hefte projeyê xu ser fikirıyayo. Mî doruverê xu ra persa, mî fikirê inan zi girot. Peyni dî mî qerar da u projeyê xu hedre kerd.

Projeyê mî hına bî. Şexısi ki destan, lıngan, çıman u zobina çî ra seqeti, heyatê xu dî zaf tengasi anceni. Mî waşt ez qey inan yo proje hedre bıkeri. Ê ki çımê inan hol



nêvineni ya zi vinayiya inan çin a, mî qey inan yo çonqal viraşt u mî yo çip eş sareyê ina çonqal.

Kami ki çimi ey hol nêvineni eg ina çonqal bîşixulni, wext çal u çuxur ra yo metre biyi nîzd, çip sinyal dano u merdım pê çal hesiyeno.

Mî projeyê xu qedina u teslimê mektebi kerd. Projeyê mî zi miyanê projeyanê binan dı ame ramotış. Qey vicinayişê projeyan yo heyetê juri bıbı. Wayirê projeyan verê inan dı derheqê projeyê xu dı melumat da. Mî zi projeyê xu ra behs kerd. Projeyê mî puanêko hol girot u qebul bı.

Peyniya ê hefteyi dı ma pa melimanê xu verê mektebi dı nişti otobus u ma şiyi Diyarbekır. Ma teknokent dı geyrayi u yo wezifedari derheqê teknokenti dı melumat da ma.

Teknokent, projeyanê teknoloji qebul keno. İnan tetkik keno u ê projeyi ki heyatê insani rehet keni u feyde dani, paşt dano inan. Ma wext zerreyê teknokenti dı geyrayi, ma icadi neweyi diyi.



5-A Goreyê xu cewabê persanê cêrinan bîdên



1-Mektebê şîma dî heta eyro qey teknoloji fuar tertib biyo? Eg tertib biyo çita ame ramocnayiş?

.....

.....

2-Şîma heta eyro yo merkezê teknoloji ziyaret kerd yan nêkerd? Eg şîma ziyaret kerd, derheqê inê ziyareti dî melumat bîdên

.....

.....

.....

3-Eg qey teknoloji yo fuar tertib bîbên, şîma yo projeyo senin hedre kerdên?

.....

.....

.....

5-B Şîma hacetanê cêrinan çî ra şîxulneni u çî faydeyê inan esto, binusên



.....

.....

.....



.....

.....

.....



.....

.....

.....



.....

.....

.....



.....

.....

.....



.....

.....

.....

5-C Goreyê xu cewabê persanê cêrinan bidên



girotîş

waştîş

vîndertîş

heskerdîş

şiyayîş

- 1-Mî kitabxane ra derheqê teknoloji dî kitabêk
- 2-Ez aşma keşkeloni dî fuarê teknoloji.
- 3-Melîma ma derheqê teknoloji dî ma ra proje
- 4-Otobusa ma verê teknokenti dî
- 5-Ma fuarê teknoloji ra zaf

5-Ç Pê fiilanê cêrinan cumleyan binusên



Nuştîş

.....

.....

.....

.....

.....

.....

Wendîş

.....

.....

.....

.....

.....

.....

Berdîş

.....

.....

.....

.....

.....

.....

Ameyîş

.....

.....

.....

.....

.....

.....

Geyrayîş

.....

.....

.....

.....

.....

.....

Vîndertîş

.....

.....

.....

.....

.....

.....

WENDİŞ




Bı nameyê Rebbê xu yê Xalîqi bıwan.


(îqra-1)

Uniteya 2.

EZ U KEYEYÊ XU



1 Bıwanên u qısey bıkerên





Ma lacanê apanê xu ra vani, deza.
 Ma keynayanê apanê xu ra vani, dedkeyna.
 Ma lacanê xalanê xu ra vani, xalza.
 Ma keynayanê xalanê xu ra vani, xalkeyna.
 Ma lacanê emanê xu ra vani, emza.
 Ma keynayanê emanê xu ra vani, emkeyna.

2-A Goreyê nuşteyi cayanê vengên dekerên



1-Keynaya ema mı mı ya.

2-Lacê xalanê mı mı yo.

3-Keynaya apê mı mı ya.

4-Lacê ema mı mı yo.

5-Keynaya xalanê mı mı ya.

6-Lacê apê mı mı yo.

2-B Pê kelimeyanê cêrinan cayanê vengên dekerên



Emkeyna

Dedkeyna

Xalkeyna

Emza

Xalza

Deza

Nameyê mı Leyla ya. Ma peyniya inê hefteyi dı hot teni şiyi sinema. Ma heme zi merdımı yobinan bi. Ferhat lacê apê mı yo, yani mı yo. Hesen lacê xalê mı yo, yani mı yo. Fatma keynaya apê mı ya, yani mı ya. Hatice keynaya xalê mı ya, yani mı ya. Mehmud lacê ema mı yo, yani mı yo. Zehra keynaya ema mı ya, yani mı ya. Ma sinema dı filma animasyonu seyr kerd.

SİNEMA



3 Resmî cêrîni çîta anî şîma vir, binusên



Resim-3


.....
.....
.....

.....
.....
.....



.....
.....
.....
.....

Resim-4



.....
.....
.....

.....
.....
.....

4 Goştari bikerên u biwanên



TETİLÊ ROŞANI

Nameyê mî Zayda ya. Ez Çoligic a; labelê keyeyê ma Ankara dî yo. Ma her serr şîni Çolig. Ma emserr zi qey tetilê roşanê Remezani ameyi welatê babkalanê xu.

Ma rocê Erefe Ankara dî Raştayê Teyare ê Esenboğa dî wenişti teyare. Teyare hêdi hêdi bî berz u mudeyêk ra pey kot serê horan. Nızdiya yo saet raywanti ra pey ma Raştayê Teyare ê Çoligi dî teyare ra ameyi war.

Wext ma raştayê teyare ra veciyayi apê mî u ema mî baweyê ma bi. Verard yobinan ra şiyayiş u yobinan persayiş ra pey ma rada u ma şiyi keyeyê pırîkê mî. Yo serr ra nat mî pırîki xu nêdi bi. Ê zaf koti bi mî vir. Ma seni resayi keye, ez vazdaya u verard şiya pırîkanê xu ra, mî lew na destanê inan a. Ê zi verard şiyi mî ra u lew na mî wa.

- keyeyê ma
- tetilê roşanê Remezani
- welatê babkalanê xu
- rocê Erefe
- raştayê teyare
- apê mî



Sıbayerco roşan bî. Ema mı u dadiya mı qey roşani beqlewa akerd, wer pot.

Ez a şew zaf şa biya. Ino rıd ra honê mı nêame u ez erey rakota. Sêrsıbayi ez pê vengê pirikê xu hesiyaya xu. Pirik, babi u apê mı nımacê roşani ra ageyrayi bi. Pirikê mı pê vengêkê nermin u germını va, “Zaydaya mı, eyro roşan o hını wırz we”. Ez wırışta, ma yobinan dır ziyar kerd u ma roşanê yobinan bimbarek kerd.

Ma piya arayi kerd, dıma ma şiyi miyanê mezelan. Oca dı mezeli kalıkan u merdımanê ma bibi. Ma serê mezelan dı Quran wend u dua kerd. Dıma ma ageyrayi u ameyi keye.

Ma roco verinê roşani keye dı bi; çunki qomê ma u merdımı ma ameyên roşanê ma. Nızdiya şani hını meymani biyi kê. Ez u apkeynaya xu ma şiyi park. Ma oca dı kay kerd.

Rocê dıynê roşani dı zi ma şiyi roşanê merdımanê xu u ma roşanê inan bimbarek kerd. Roci ma pê şayi u keyfweşi viyerti.

Axırı tetil qediya u saeta ageyrayişi ame. Ma xatır waşt, reyna wenışti teyare u teyareyi verê xu şa Ankara. Wext teyare miyanê belekanê hori ra şiyên gıyalê mı ra zi ino tetilo weş viyertên.



4-A Goreyê nuşteyi cewabê persanê cêrinan binusên



1-Zayda kamci şaristan dı cuyena?

.....

1-Zayda emserr qey çıtayi şiya welatê xu?

.....

2-Kam raşteyê teyare dı şino keyeyê Zayda vera?

.....


3-Zayda rocê roşani se kerd?

.....

4-Zayda u keyeyê ay rocê diyın ê roşani dı şiyi ça?

.....

4-B Kelimeyê roşani çita ana şima vir, binusên



4-C Kamci kelimeyi cêrini nuşte dı viyereni işaret bikerên



- | | | | | |
|---------------------------------|---------------------------------|---------------------------------|-----------------------------------|-----------------------------------|
| <input type="checkbox"/> Ankara | <input type="checkbox"/> roşan | <input type="checkbox"/> pırık | <input type="checkbox"/> xal | <input type="checkbox"/> dew |
| <input type="checkbox"/> tetil | <input type="checkbox"/> teyare | <input type="checkbox"/> otobus | <input type="checkbox"/> şaristan | <input type="checkbox"/> İstanbul |

4-Ç Eg cumleyi cêrini raşt i (R) ğelet i (Ğ) binusên



- 1-Ma roşanan dı rocê roşani erey wirzeni. (.....)
- 2-Ma roşanan dı merdımânê xu ziyaret kenî. (.....)
- 3- Ma roşan dı weranê xısusıyan poceni. (.....)
- 4- Ma roşani teyna keyeyê xu dı viyarneni. (.....)
- 5-Ma roşanan dı şını serê mezelanê merdımânê xu. (.....)

4-D Cayanê vengın pê wesilê izafeyan dekerên



- 1-Ma pê wesayit..... xal..... mı şiyi dew.
- 2-Mı kıtabxaney..... mekteb..... ma ra kıtabêk gırot.
- 3-Aw..... Murad..... aşmanê wesari dı zêdiyena.
- 4- Ban..... ma weverê camiya pıl dı yo.
- 5- Way..... mı emserr sınıfa heştın dı wanena.

4-E Şıma roşanan dı se kenî, binusên?



.....

.....

.....

.....

.....

.....

.....

.....

.....

.....

5 Nuşteyê cêrini bîwanên



SANDIQ

Wextêk gilyeşê yo koyi dî dewêka qîc bibi. Ina dew zaf zergun u şên bi. Kışta dew dî miyanê gem dî yo bano herrin bîbî. Ino keye dî merdîmêko zerrerm u destakerde cuyayên.

Heme dewican inê merdîmê zerrerm u zanayi ra zaf hes kerdên. Gure u ihtiyaciya kami bîbên ino merdîm cî rê biyên derman. Çî wext miyanê dew dî pêrodaiş u şer bîbên, merdîmo emirber dêstir resayên cî u benateyê inan viraştên.

Roc bî roc ino merdîm teqet ra kuweno, beno kal u extiyar. Kar u gure ra kuweno, destê ey hîni wuye u zengene nêdepişên.

Mergê ciniya xu ra dima hewiliyeno keyeyê lacê xu. Xu bî xu vano, ez inê serranê xu yê peyinan lac u veyva xu het dî bîviyarni; labelê veyva ey zaf bêar u bêhurmet bi. Zaf qalkerdên, her roc ciranan u dewicanê xu dî lec kerdên.



Vıstoreyê ay çendêk bı rehm bo u cı rê holi bıkeru zi ina veyv tı ra hes nêkerdên. Wer cı nêdayên, cılê ey nêşitên, mıqatê ey nêkotên. Timotım ey het dı fekbazi kerdên u cı ra ecızı kerdên.

Timotım mêrdeyê xu dır semedê vıstoreyê xu munaqeşe kerdên. Vatên ino merdım ame nêame keyeyê ma, rızqê ma bıriya. Inê merdımı nanê sıfreyê ma kê m kerd. Nê destê ey ra yo kar yeno nê zi faydeyê ey ma rê esto. Ez hını ecız biya, ez zaf rencan biya. Ya babiyê xu ra fek veradı ya zi mı ra.

Lacê merdımı tesirê ciniya xu dı maneno. Şino miyanê gem dı çend daran bırneno u ano keye. Miyanê çend rocan dı sandıqêka nexşin u gırd vırazeno.

Lac xu bı xu vano, ez babiyê xu bıxapini, bıerzi zerreyê ina sandıq u kendal ra lêr bıkeri.

Lac zerreyê çend rocan dı sandıq qedineno u veng dano babiyê xu:

-Bawo! De bê teber.

Babiyê ey yeno teber. Lac, sandıq mocneno cı u vano:

-Bawo ina sandıq mı vıraşta. Weşê tu şî?



-Ê lacê mı, zaf gırd u zıxm êsena.

-Bawo! Eg tı wazeni ez tu pê ina sandıq bıçarni, wa bınêk keyfê tu biyero.

Babiyê ey qebul keno u kuweno zerreyê sandıq.

Lac, sandıq nano peru u hetê koyi ser şıno. Ko dı şıno serê yo zınari u sandıq xu paşt ra ano war. Dıma sandıq dano wera beno leweyê zınari. Lac niyet keno sandıq tan bıdo, babiyê ey dano sandıq ru. Lacê ey qapaxê sandıq akeno.

Babi oniyeno lacê xu ra, peşmıriyeno, zertal beno u vano:

-Lacê mı, ez hol zano tı mı tiya ra lêr keni. Ez wazeno tu ra kelimeyêka şireti vaci.

Lac şeqızıyeno u sareyê xu erzeno xu ver. Goştariya babiyê xu keno. Babiyê ey vano:

-Lacê mı! Tı eşkeni mı tiya ra bışeqıtıni; labelê ina sandıqa nexşin heyf meker. Ina sandıq weradı. Çunki ina sandıq yo roc qıcanê tu rê zi lazım bena.

Xu vir ra meker! Tı çı bıkeri, tı ê vineni.



5-A Goreyê nuşteyi cewabê persanê cêrinan binusên



1-Merdîmo extiyar çî ra hewîliyeno keyeyê lacê xu?

.....

2-Veyva merdîmê extiyari çî ra camêrdê xu dîr munaqêşe kena?

.....

3-Lacê merdîmê extiyari çî ra sandîq vîrazeno?

.....

4- Lac çî ra babiyê xu erzeno zerreyê sandîq?

.....

5-Lac, babiyê xu çî ra beno ko?

.....

6-Merdîmo extiyar ko dî lacê xu ra se vano?

.....

5-B Goreyê nuşteyi cewabê persanê cêrinan binusên



1 Sebebê mesela çîta yo?


.....

.....

2 Sebebê mesela çîta yo?

.....

.....



3 Meselaya nuşteyi çîta ya?

.....

.....

4 Ina mesela seni bena safî?

.....


.....

5 Ina mesela seni bena safî?

.....

.....

EXLAQ



**Ez semedê tamamkerdişê exlaqê
weşi şırawiyayo.**
(Hedis)

Uniteya 3.

BEDEN U SIHET



1 Nuşteyê cêrini bıwanên



HONÊ ŞAHİNİ

Mehlaya ma dı lacêk cuyeno. Nameyê inê laci Şahin o. Şahin, çirê xu pak nêdepişeno. Her roc miyanê awa lêlın u xus mus dı kay keno u xu keno lêşın. Nê porê xu şane keno nê destan u riyê xu şuweno nê zi dındananê xu firçe keno. Seba inê hali, qıci mehlaya ma nêşini cayê Şahini u ey reyra kay nêkeni. Dadi u babiyê Şahini zi ina lêşınıya lacê xu ra tengzerr beni, ê timotım Şahini têmi keni; labelê o xebera inan nêkeno. Şewêk, Şahin yo hon vineno.

Hon dı bı destan, lıngan u dındanan heme waslayi ey bermeni. Şahin, şaş maneno u leşa xu ra perseno:

-Ino çı hal o, waslayi çirê bermeni?

Leşa ey cewab dana:

-Xura waslayi merdımı bermeni!

Şahin reyna perseno:

-La çıra bermeni? Se biyo?



Leşa ey vana:

-La tı nêzani? Tı timotım mı keni lêşın, tı destan u riyê xu nêşuweni, tı nenguyanê xu nêqesneni. Tu ez kerda nêweş, ez ineyi ra bermena.

Şahin, destê xu keno derg, hesıranê leşa xu estereno, soz dano leşa xu u vano:

-Meberm! Ez soz dano tu. Tiya ra pey ez xu pak depişeno, ez xu xus mus ra paweno.

Şahin ino hon ra pey mıqatê xu kuweno, paki u weşiya xu rê diqet keno.



- vineno
- şaş maneno
- perseno
- bermeni
- bermena
- vano
- paweno

1-A Goreyê nuşteyi cewabê persanê cêrinan binusên



1- Şahin lacêko senin o?

2- Qıci mehla çıra Şahini dır kay nêkeni?

3- Şahin honê xu dı çıta vineno?

4- Şahin çı soz dano leşa xu?

5- Lazımo insan qey weşiya xu se bıkeroy?

1-B Menaya kelimeyanê cêrinan bimusên u pê inan cumleyanê neweyan binusên



Lêl:.....
 Lêşın:.....
 Tengzerr:.....
 Sozdayış:.....
 Wasla:
 Hesır:.....

1-C Cayanê vengyanê pê fiilanê cêrinan dekerên



wendış

kaykerdış

şiyayış

nuştış

wırıştış

-Ez her roc saet hot u nim dı

-Ez derheqê beden u sıheti dı hikayeyêk

-Seid embazanê xu dır basketbol

-Ez u waya xu, ma her roc yo saet kitab


-Fatma pa embazanê xu tiyatroy.

2

Goreyê resimanê cêrînan cewabê persan binusên



1-Resimanê cêrînan dı kamci qeydeyi paki esti? Bînusên



.....

.....

.....

.....

.....

.....

.....

.....

.....



.....

.....

.....

.....

.....

.....

.....

.....

.....

2-Goreyê şîma qey pakiya doruveri zobîna kamci qeydeyi esti? Bînusên

.....

.....

.....

.....

.....

.....

.....

.....

.....

3 Şiira cêrini bîwanên




WEŞI U PAKI

Qey weşi hiş yo wa
 Bîzan îna zi paki wa
 Heyat dî xezinaya rînd
 Bîzan weşi u başi wa

Bîwan, bîarîsî u kay bîker
 Her hel dî wer bîwer
 Bîger zîxmi u quwet
 Weşiya xu rê diqet bîker

Ino can ma rê emanet o
 Gereka merdîm bîpawo
 Nêweşi ma depîşena
 Gereka merdîm tedbir bîgero

Tî weşi dîma nêşêri
 Tî cad nêweş kuwenî
 Tî nêşkenî şêri mekteb
 Diqet bîker weşiya xu ri





XUVİRAKERDIŞ

Ap Hesen zê heme rocan, o roc zi ro wirzeno. Cılanê xu yê pakan xura dano. Porê xu u êrdîşa xu şane keno. Xu hedre keno u kuweno teber. Teber dı çend deqıqeyi rayir dı şıno. Dıma wazeno şiyero weverê rayiri. Seni linga xu erzeno rayiri, yo bisiklet dana peru.

Ap Hesen gıneno erd ru, şar doruverê ey dı yeno pêser. Miyanê inan ra yo merdım telefon keno servisa lez u ambulans wazeno. Çend deqıqeyan ra pey ambulans yena, Ap Hesenı gena u bena nêweşxane.

Nêweşxane dı toxtor, Ap Hesenı muayene keno u cı ra vano:

-Apo! Lazım o ma tu çend saeti muşahede dı depîşi.

Zerra Ap Hesenı bena teng u Ap Hesen vano:

-Eg çiyêko xırab çin o ez şiyeri. Yo gureyê mı esto, ez zaf koto erey.

Toxtor mereq keno u perseno:

-Tı çıra teqıza kenı, gureyê tu çita yo?

-Xanıma mı nêweş a. Dı serran ra nat merkezê rehabilitasyonu dı tedawi vinena. Ez her roc sêrsıbay şıno, ma piya arayı kenı.

Toxtor vano:

-Tı mereq meker. Uca dı yo embazê mı esto. Ez inka cı rê telefon keno. Wa xeber bıdo xanıma tu.

Ap Hesen oniyeno toxtori ra u vano:

-Nêweşiya xanıma mı Alzaymır a, heme çi xu vir ra kena, mı zi nêşınasnena.

Toxtor şaş maneno u vano:

-La tu nêşınasnena, tı çıra her roc şını nêweşxane u şıma piya arayı kenı?

Ap Hesen zaf qehiriye-no u vano:

-Belê! Amı nêşınasnena; labelê ez ay şınasneno.



4-A Goreyê nuşteyi cewabê persanê cêrinan binusên



1-Ap Hesen çira her roc şino nêweşxane?

.....

2-Ap Hesen wext şino nêweşxane, rayir dı se beno?

.....

3-Nêweşxane dı zerra Ap Hesenî çira bena teng?

.....

4-Nêweşiya xanîma Ap Hesenî çita ya?

.....

5-Ap Hesen peynî dı cewabêko senin dano toxtori?

.....

4-B Merdîmanê şîma dı zi nêweşiyî kroniki estî?
Derheqê îni nêweşiyân dı şîma çita zanî?

.....

.....

.....

.....

.....

.....

.....

.....

.....

.....

4-C Eg cumleyî cêrîni raşt î (R) ğelet î (Ğ) binusên



1-Qey weşiya xu çiyî şîrîn ra dur vînderên. (.....)

2-Her roc ihtiyacê bedenê xu ra ziyed rakuwerên. (.....)

3-Wero zaf solîn mewerên. (.....)

4-Fêki u sebze bîşuwên u hema bîwerên. (.....)

5-Çiyî ki quwetê şîma ra vete yo, bîkerên berz. (.....)

5 Nuşteyê cêrini bıwanên



MERKEZÊ WEŞI

Zehra wendekara sınıfa hotin a. Melıma Zehra, derheqê merkezê weşî ê mehla dı, yo wezife da Zehra. Melım va, merkezê weşî ê mehla dı çı gure beno, kam tiya dı xebitiyeno, fealiyeti inan çita yi, derheqê inê xısusan dı melumat bıger u sınıf dı arz bıker.

Zehra o roc mekteb ra pey, cayê merkezê weşî ê mehlaya xu musa. Dadiya xu ra edresê merkezi girot u keye ra veciya.

Merkezê weşî keyeyê Zehra ra zaf duri nêbı. Zehra pêyati des deqıqeyan dı resa merkezê weşî. Zehra verco teber ra oniya bina ra. Yo binaya dı qat bi, baxçeyê bina gırd bı u baxçe dı qey ronıştışi kurseyi ronayi bi. Der u dormaleyê bina dı dari ronayi bi. Her ca zergun u pak bı. Qey melumati çend tabelayi zi decenayi bi. Zehra baxçeyê bina ra viyert u şî zerre.

Desto raşt dı wadeyê hemşireyan bıbı. Tiya dı hiri hemşireyi ronışti bi. Zehra wezifeyê xu ra behs kerd u inan zi pê keyfweşî Zehra rê ardım kerd.

Zehra hemşireyan ra persa:

-Merkezê weşî kamci rocan akerde yo u kamci saetan dı xizmet dano?



Hemşire va:

-Merkezê weşi zerreyê hefteyi her roc akerde yo. Mesaiya merkezê weşi sêrsıbyan saet heşt dı destpê keno. Benateyê duyes u yo dı merkezê weşi qefılneyi yo. Ino mude dı xebatkari istirehet keni, wer weni u ihtiyaciya xu vineni. Xizmetê ma saet yo dı heyna destpê keno u heta saet panc dewam keno.

-Tiya dı çend toxtori xebıtiyeni?

-Tiya dı hiri toxtori xebıtiyeni. Her toxtor çend kuçeyanê mehla ra mesul o. Yani kam nêweş bo, yeno cayê toxtorê xu. Herkes toxtorê xu het muayene beno.

-Şıma tiya dı çı gure keni?

-Qıcı ki hema newe yeni dınya, ma weşi u nêweşiya inan teqib keni u ma inan aşı keni. Teyna qıcı nê, dadiyi inan zi eyni qontrol ra viyereni. Ma tiya dı nêweşan pansuman keni. Ma oniyeni tansiyon u şekerê nêweşan ra u toxtoran rê ardım keni.


Zehra inê melumatan ra pey, hemşire ra nameyê toxtorê xu persa. Nameyê toxtorê ay, toxtor İhsan bı. Wadeyê ey qata dıyın dı bı. Zehra, hemşireyan ra xatır waşt u şı cayê toxtorê xu. Zehra verco xu da şınasnayış u sebebê ameyişê xu, ey ra va, dima zi persa:

-Şıma tiya dı seni xebıtiyeni? Mesuliyetê şıma çıta yo?

-Her toxtor kuçeyanê xu ra mesul o. Ez nêweşanê xu muayene keno, eg luzım bıbo tetkikanê inan vırazeno dima zi daru dano inan. Kami dı nêweşiya kronik bıbo, ez daruyê inan dano cı u tedawiya inan teqib keno. Wext merdım nêweş bo, nêweşxane ra ver yeno merkezê weşi u toxtorê xu het muayene beno. Eg zê serdgirotışi u dıştari nêweşiyi bıbi, toxtori derheqê inê nêweşiyın dı melumat dani herkesi.

Zehra nızdiya saetêk derheqê merkezê weşi dı melumat girot.

Zehra roco bin mekteb dı derheqê merkezê weşi ê mehla dı melumat da embazanê xu. İnan zi ay rê teşekur kerd.



5-A Goreyê nuşteyi cewabê persanê cêrinan binusên

1-Melîma Zehra çî wezîfe dana Zehra?

.....

2-Zehra qey wezîfeyê xu şîna ça?

.....

3-Hemşîreyî derheqê gureyê xu dî çî melumat dani Zehra?

.....

4-Merkezê weşî qey qıcan se keno?

.....

5-Toxtor İhsan qey wezîfeyê xu çî melumat dano Zehra?

.....

6-Zehra qey çıtayi îni melumatan gena?

.....

5-B Eg cumleyî cêrîni raşt î (R) ğelet î (Ğ) binusên

1-Zehra qey wezîfeyê xu şîna nêweşxaneyê şarîstani.

(.....)

2-Merkezê weşî dî hem toxtori hem zi hemşîreyî xebîtiyeni.

(.....)

3-Merkezê weşî hefte dî hot roci akerde yo.

(.....)

4-Hemşîreyî merkezê weşî dî nêweşan muayene keni.

(.....)

5-Hemşîreyî merkezê weşî dî qıcan aşı keni.

(.....)

5-C Şîma çîrê şîyi merkezê weşî ê mehlaya xu?
Derheqê şîyayîşê xu dî melumat bîdên

.....

.....

.....

.....

.....

.....

5-Ç Pê kelimeyanê cêrinan cumle vîrazên



nêweş bo / nêweşxane ra ver / wext / merkezê weşi / merdim / şino

mesul o / toxtor / mehla ra / her / kuçeyanê / çend

dari / der u dormaleyê / ronayi bi / bina dî

duri / keyeyê Zehra ra / zaf / merkezê weşi / nêbî

hotin / wendekara / Zehra / sînfâ / a

her / merkezê weşi / akerde / zerreyê hefteyi / roc / yo

nêweşan / tansiyon / ma / şekerê / oniyeni / ra / u

5-D Cayanê vengên pê kelimeyanê cêrinan dekerên



muayene

sêrsıbyan

pêyati

hemşireyan

merkezê weşi

edresê merkezi

Dadiya xu ra girot u keye ra veciya.

Zehra nızdiya saetêk derheqê dî melumat girot.

Mesaiya merkezê weşi saet heşt dî destpê keno.

Zehra, ra xatır waşt u şî cayê toxtorê xu.

Herkes toxtorê xu het beno.

Zehra des deqıqeyan dî resa merkezê weşi.

5-E Cewabê persanê cêrinan îşaret bikerên



1-Ma daru ça ra geni?

A-Eczaxane

B-Nêweşxane

C-Market

D-Mekteb

2-Numreyê servisa lez çita yo?

A-155

B-112

C-110

D-184

3-Nêweşxane dî kam nêweşan muayene keno?

A-Hemşire

B-Toxtor

C-Nêweş

D-Memur

4-Merkezê weşî dî kam aşi keno?

A-Toxtor

B-Memur

C-Hemşire

D-Toxtorê dîndan

5-Weranê cêrinan ra kamci weri zîrar dani bedenê ma?

A-Mast

B-Şit

C-Sa

D-Kola

6-Weranê cêrinan ra kamci wer qey bedenê ma hol o?

A-Engemin

B-Cips

C-Hamburger

D-Çikolata

7-Waslayanê cêrinan ra kamci wasla zerreyê pizeyê ma dî ya?

A-Goş

B-Çim

C-Dest

D-Loqla

8-Waslaya şinawitîşî kamci ya?



A-Çim

B-Goş

C-Pırnîk

D-Zıwan

5-Ê Goreyê resimanê cêrinan yo hikaye binusên



.....

.....

.....

.....


.....

.....

.....

.....

GUNİDAYIŞ



Yo çılka guni yo heyat xelısna.

Uniteya 4.

Wer u Şimitiş



1 Nuşteyê cêrini biwanên



HEBA ĞELEYYİ

Ez yo heba ğeleyyi biya. Cıtyeri qey ramıtışi ez daya kışt. Mı pêlekê xu dı pê heyecan wextê ramıtışi pawitên. Rocêk cıtyer ame, pêlek girot u berd hêga. Ez zaf biya keyfweş; çunki hını wextê ramıtışê mı ame bı. Ez hını kotên miyanê herr, mı zil dayên u weşeyê mı pê hebanê neweyan pırr biyên.

Cıtyeri, zerreyê pêleki ra pê wırdêsan ğele girotên u eştên miyanê herr. Ez binê pêleki dı biya, mı pê sebir dora xu pawitên. Cıtyeri, dora peyin destê xu eşt zerreyê pêleki. Ez zi kota zerreyê lapê ey. Wext cıtyeri lapê xu pêlek ra vet, ez gınaya kıştê pêleki ru u ez reyna kota binê pêleki. Pêlek dı bê mı qet yo heba ğeleyyi nêmend bi.

Mı, xu bı xu va; ez hını çırê herr u tic nêvinena, zergun nêbena, zil nêdana u nêresena. Ez binê pêleki dı bena puç. Ez pıra qehıriyaya, berme gına qırıka mı. Hını hiviya mı nêmend bi, nişka ra yo lerz vıraziya u pêlek têşiya.

Mevac cıtyer, pêleki têşano u wazeno zerreyê pêleki dı çik nêmano. Ina saye dı ez fekê pêleki ra kota war, a lehza tica germin da mı ru u ez perraya miyanê herr.

Ez zaf biya şa; çunki ez zi hını zil dana, resena u bena yo weşeyê ğeleyyo rengin. Labelê qey resayışê mı zi wext lazım o. Seni ez wextêk pêlek dı menda, gereka ez yo



- hebanê neweyan
- dora peyin
- yo heba ğeleyyi
- tica germin
- ğeleyyo rengin
- her roc
- weşeyo resayi
- merdimêkê cılsıpi
- tutêko zaf rınd

mude zi binê herr dı bımani. Peyni dı miradê mı ame ca. Ez hını miyanê herr dı biya.

Benate ra wext viyert, zımıstan ame, vor vara mı ser. Dıma wesar ame, şılı vara, mı awa şılı mırdamırd werd. Seba zildayişi ihtiyacê mı bı inan est bı. Mı pu vet, wucudê mı hını bedıliyeno. Ez qaşul biya u mı zil da.

Mı sareyê xu herr ra vet u mı tic di. Tic hına weş bi, ez heyranê cı menda. Ez biya zergun. Dıma her roc qama mı bınêna bi derg u ez tic ra biya nızd.

Aşm aşm ser viyert amnan ame, hewa bı germ. Rengê mı zerikiya, pa vaydayişê vayi weşeyê mı bı de, ez biya yo weşeyo resayi.

Cıtyeri ez çına ya, kerda girze, dıma ez eşta patos. Hebi mı u qaşulê mı yobinan ra ciya biyi. Dıma ma reyna kerdi zerreyê pêlekan u berdi ari. Tiya dı ma benateyê kerranê ari dı ameyi tanayiş u ma biyi ardi. Wext ma bınê kerrayan dı ameyên tanayiş canê mı zaf dec a; labelê ez fikıriyaya ma beni nan u ma quwet dani insanan.

Wext ma ari ra veciyayi, ma bibi ardi. Çend merdıman ma dekerdi pêlekan u ma berdi purna nani. Purn dı zaf xebatkari est bi. İnan hemın kinci sıpiyi xura dayi bi.

Benate ra wext viyert, yo mışag ame. O pêleko ki ez tede biya, fekê ey akerd u dekerd zerreyê yo têşti. Aw kerd ma ser, ma biyi hi u ma dusiyayi yobinan ra. Merdımêkê cılsıpiyi ma alawıti u ma biyi mir. Dıma yona mışagi ma giroti u berdi serê yo dezgeyi dı ronayi. Ma hını koti binê destê nanpoci.



Nanpoci mirê ma akerd, ma neqışnayı u ma eşti zerreyê purn. Ma purn dı pêşayi u biyi nan. Laa! Ez hini biya yo nana sur.

Nanpoci, ma dekerdi yo wesayit u ma şırawiti dikanan. Ez hini tereka yo dıkanı dı biya. Dıma yo tut berê dıkanı ra ame zerre. Tutêko zaf rınd bı. Keyfê mı zaf ame, mı xu bı xu va; werikêna inê tuti ez bıgırotên.

Tut ame verê terek, destê xu derg kerd u ez girota. Ya Reb, ez çendêk biya şa. Tuti ez berda keye. Dadiya ey sıfre rakerd bı u baweyê ma bi. Tuti ez sıfre dı ronaya. Hını yo wezifeyê mı mend bı. O zi faydeyêk insanan dayiş bı. Seba qedınayışê wezifeyê xu, ez zaf keyfweş biya.



1-A Goreyê nuşteyi cewabê persanê cêrinan binusên



1-Heba geleyi bî heyecan wextê çitayi pawena?

.....

2-Heba geleyi hêga dî çira qehıriyena?

.....

3-Heba geleyi wesar u amnani dî seni bedıliyena?

.....

4-Canê heba geleyi çira deceno?

.....

5-Heba geleyi dıkan dî çira şa bena?

.....

1-B Kamci kelimeyi nuşte dî viyereni îşaret bıkerên u pê ini kelimeyan cumleyanê neweyan binusên

**A**

cew
pel
vaşturi
dar
payiz

B

hêga
gele
nan
patos
cityer

C

vay
torzin
vaş
rıız
argud

.....

.....

.....

.....

.....

.....

.....

.....

.....

.....

1-C Goreyê hikaye resimanê cêrinan rêz bikerên



1

2

3

4

5

6

1-Ç Pê name u sıfatanê cêrinan izafeya sıfati virazên



Name	Sıfat	İzafeya sıfati
hêga	zergun	hêgayo zergun
xebatkar	hiri	
purn	germın	
ğele	resayi	
pêlek	hira	
nan	weş	
weşe	zerd	
ın	dew	

1-D İzafeyi sıfati ki cumleyanê cêrinan dı raviyereni inan işaret bikerên u pê ini sıfatan cumleyanê neweyan binusên



Ma her şan şuşeyêk şito germın weni.

.....

Merdımo nêweş eczaxane ra daru geno.

.....

Awa serdın merdımı kena nêweş.

.....

Çar bırayi hêga dı ğele çineni.


.....

Dadiya mı ez pê wero weş weye kerda.

.....

2

Weri ki nameyê inan pelanê daran dı nusiyayi, her wer goreyê tewirê inan binê selik dı binusên



3 Goştari bikerên u bıwanên




OBEZTİ

Yo mehla dı tutêk beno, nameyê ey Receb o. Receb tutêko zaf xurt o. Receb wext rayir dı şino zaf lez qefiliyeno, nêşkeno derenca ra şiyero. Wext kay keno, çend deqıqeyan ra dıma xu ser kuweno, nêşkeno kay bıkero. O wext zi zaf qehiriyeno.

Receb rocêk wext keye dı televizyon seyr keno, yo reklam yeno ekran. Reklam obezti ra behs keno. Reklam dı vaciyeno ki, eg benateyê qama şıma u kiloyê şıma dı zaf ferq esto, beno şıma obez i. O wext erey mekuwerên u cad tedbirê xu bıgerên.

Receb inê reklami ra pey obezti çita ya, merdım çendêk xurt bo beno obez inan mereq keno, internet dı raştê rıpelêk yeno.

Rıpela internet dı derheqê obezti dı her çi waneno u derheqê ina nêweşi dı beno wayirê melumati. Receb ina site ra museno ki obezti, nêweşiyêka newe ya.



Ina nêweşi roc bî roc bena vîla. Sebebi muhimi ina nêweşi ihtiyaciya bedenê xu ra ziyed werwerdîş, zafronîştîş u taygeyrayîş i.

Merdîmêko benateyê qama ey u kiloyê ey dî hîris ya zi hîris ra cor ferq bibo, ino merdîm obez hesîbiyeno.

Dinya dî nîzdiya yo milyar insan, Tırkiye dî zi hîri tenan ra yo ten obez o. Çî heyfo dinya dî omara obezan her roc zêdiyena.

Obezti zê felci, kanseri, tansiyoni, astîmi bena sebebê zaf nêweşîyan. Obezti nêverdena merdîm rehet têbîgero, kar u gureyê xu bîkero.

Receb îni melumatan ra pey qerar dano u vano lazîmo ez kiloyê xu yê ziyedi ra bîxelîsi. Receb pa babiyê xu şîno nêweşxane. Verco nêweşxane dî muayene beno dîma şîno yo diyetîsyeni het.

Diyetîsyen qey Recebi yo programê paryezi vîrazeno. Receb ino program ra pey çîyo ki zîrar dano bedenê ey inan nêweno. Teyna hîndêyê ihtiyaciya bedenê xu wer weno. Recep zerreyê çend aşman dî kiloyanê ziyedan ra xelîsiyeno.

Receb inka bî reheti rayîr dî şîno, kay keno, vazdeno u heyatê xu ra keyf geno.



3-Ç Eg cumleyi cêrini raşt i (R) ğelet i (Ğ) binusên



- Kam ihtiyaciya bedenê xu ra ziyed wer bîwero beno obez. (.....)
- Kam bibo obez heta peyniya heyatê xu obez maneno. (.....)
- Lazimo merdîmo xurt timotim ronîšo u spor nêkeru. (.....)
- Obezti zê astîmi u kanseri bena sebebê zaf nêweşîyan. (.....)
- Obezti teyna qıcan dî esta u nêweşîya qıcan a. (.....)

3-Ç Kamci cumleyi cêrini raşt i inan îşaret bikerên



Ehmed arayi dî
şît, zeytun, penir,
engemin weno.



Sinan her roc
kantîna mektebi ra
tost, kola, cips geno
u weno.



Zeyneb sîfre dî
ihtiyaciya bedenê xu
ra ziyed wer wena.








Ekrem
roc dî
panc cemi
mîrdamîrd
wer weno.










Fatma şan
saet hot ra
pey wer
nêwena.

3-D Weri ki ma arayi dı weni inan işaret bikerên



Fotoğraf-1

3-E Weri ki qey weşiya ma hol i inan işaret bikerên



Fotoğraf-2

4 Nuşteyê cêrini biwanên



ŞORBAYA AŞURA

Tarixê aşura heta wextê Hz. Nuhi şino. Viraziyayîşê aşura pê tofana Nuhi destpê kerdo. Hikayeya Aşura hına wa:

Lacanê Nuhi ra Sam, Ham u Yasefi iman ard bî; labelê lacê ey Kenani u zafiya qewmê ey iman nêard bî. Hz. Nuhi nızdiya hezar serr dinê Homayi tebliğ kerd, reyna zi qewmê ey tebliğê ey qebl nêkerd u heqeretê ey kerd. Hz. Nuh ino hal, Homayi rê gerre keno. Homa, Hz. Nuh rê wehiy şıraweno u vano, ‘Yo gemiya gırd vıraz!’

Homa, qey ardımı Cebraili zi Hz. Nuhi rê şıraweno. Hz. Nuh emrê Homayi ano ca, yo gemiya gırd vırazeno. Ê ki Homayi rê iman ardo, Hz. Nuh inan pê emrê Homayi nişneno gemi. Her cısn ra yo cıtê heywanan zi keno gemi. Dıma Homa yo varono ziyed varneno, her ca kuweno aw ser. Hêrçi bawermendi ki zerreyê a gemi dı bi tofan ra felıtiyeni hêrçi iman nêardo miyanê aw dı fatısiyeni.

Gemi pê aşman aw ser manena.

Çıqas şino werê inan beno tay.

Çiyê weri yo ki mend bî, pê

emrê Hz. Nuhi diyeno ari

u ani pêser. Hemeyê inan

keni têmiyan u zerreyê yo

leye dı zê şorba girêneni.

A aşm, aşma Muherem bi.

O roc zi rocê desın ê aşma


Muherem bî. Aşura yena

menaya rocê desın. Iney

ra ina şorba nameyê aşura

gıroto. O roc ra heta inka ina

şorba viraziyena.





CÎHATÎ




**Bixebitiyên zê camêrdan bîwerên
zê miran.**
(Vateyê Verinan)

Uniteya 5.

Mewsim u Teqwm



1 Bıwanên u qısey bıkerên




Îran, rocveteyê Turkiye dı ca geno.

Behrê Ege, rocawanê Turkiye dı ca geno.

Behro Siya, zımeyê Turkiye dı ca geno.

Behro Sipi, verrocê Turkiye dı ca geno.



1-A Cewabê persanê cerinan binusên



Resim-6

1- İbrahim, Sivas ra kamci hetî ser şiyero reseno Samsun?

2- Ehmed, Erzurum ra kamci hetî ser şiyero reseno Hakkari?

3- Meryem, Malatya ra kamci hetî ser şiyero resena Adana?

4- Zelixa, Manisa ra kamci hetî ser şiyero resena İzmir?

5- Ferid, Konya ra kamci hetî ser şiyero reseno Edirne?

6- Mihriban, Muş ra kamci hetî ser şiyero resena Ardahan?

7- Kerim, Ankara ra kamci hetî ser şiyero reseno Muğla?

1-B Goreyê melumatan keyeyanê wendekaran ca bikerên



1	2	3	4	5	6	7	8	9	10
11	12	13	14	15	16	17	18	19	20
21	22	23	24	25	26	27	28	29	30
31	32	33	34	35	36	37	38	39	40
41	42	43	44	45	46	47	48	49	50
51	52	53	54	55	56	57	58	59	60

Keyeyê Mesudi

- 1-Rêza diyin sutuna çarın ra destpê biker.
- 2-Çar quti hetê verroci ser şu.
- 3-Dı quti hetê rocawani ser şu.
- 4-Hiri quti hetê zımeysi ser şu.
- 5-Pê rengo sur boyax biker.

Keyeyê Zeyneb

- 1-Rêza çarın sutuna pancın ra destpê biker.
- 2-Dı quti hetê rocveteyi ser şu.
- 3-Yo quti hetê zımeysi ser şu.
- 4-Panc quti hetê rocawani ser şu.
- 5-Pê rengo kewe boyax biker.

Keyeyê Fatma

- 1-Rêza pancın sutuna şeşın ra destpê biker.
- 2-Yo quti hetê verroci ser şu.
- 3-Çar quti hetê zımeysi ser şu.
- 4-Dı quti hetê rocveteyi ser şu.
- 5-Pê rengo qehwe boyax biker.

Keyeyê İhsani

- 1-Rêza şeşın sutuna hotın ra destpê biker.
- 2-Hiri quti hetê rocveteyi ser şu.
- 3-Panc quti hetê zımeysi ser şu.
- 4-Hot quti hetê rocawani ser şu.
- 5-Pê rengo keskek boyax biker.




MEWSİMİ SENİ VIRAZİYENİ

Zerreyê yo serr dı hewa tımotım zêpi niyo, hiri aşman dı dorêk mewsimi bedliyenî. Bedliyaişê mewsiman reyra hewa germi, wenki u serdi ser bedliyeno. Yo serr dı çar mewsimi esti: Wesar, zımıstan, amnan u payiz.

Dınya, guler a. Dınya miyanci ra pê xetê ekvator bena dı lete yi. Nameyê ini leteyan nimkureyê zıme yi u nimkureyê verroci yi. Serni u bınıya dınya dı qutubi esti. Qutuban dı şeş aşmi zımıstan o, şeş aşmi amnan o.

Dınya hem dormaleyê xu dı hem zi dormaleyê roci dı geyrena. Pê dormaleyê xu dı geyrayişê dınya roc u şew yeni meydan, pê dormaleyê roci dı geyrayişê dınya zi mewsimi viraziyeni.

Qasê leziya geyrayişê dınya, germiya hewayi bedliyena. Wextê geyrayişê dınya dı tic yan zaf yan tay tani dana. Tic wext zaf tani dana mewsimi wesar u amnan; wext tay tani dana mewsimi payiz u zımıstan viraziyeni. Ê mıntıqayi ki tede çar mewsimi esti, ê cayan dı ferqê germi u serdi xu zaf ramocneno. Mıntıqayi qutubi zi tımotım serdi.



Resim-7

Dinya dormaleyê roci dı yo mihver ser ra geyrena. Ino geyrayiş dı weziyetê roci bediliyeno. Mewsimi zi bediliyayişê roci ser bediliyeni. Goreyê roci weziyetê nimkureya zime u nimkureya verroci her wext zêpi niyo.

Nimkureya zımayê dinya 21yi Edar ra heta 23yi Keşkeloni roc ra zaf bena nızd u taniya tic ziyed ra gena. 23 Keşkelon ra heta 21 Edar zi ina dor, nimkureya verroci zaf tic gena.


Ma nimkureya zımayê dinya dı cuyeni. Ina nimkure dı 21 Edar ra heta 22 Heziran wesar, 22 Heziran ra heta 23 Keşkelon amnan , 23 Keşkelon ra heta 22 Kanuno Verin payiz, 22 Kanuno Verin ra heta 21 Edar zimıstan o.



ZIMİSTAN



WESAR



AMNAN



2-A Goreyê nuşteyi cewabê persanê cêrinan binusên



1- Mewsimi goreyê çitayi bediliyeni?

.....

2-Dinya wext dormaleyê xu dı geyrena çitayi yeni meydan?

.....

3- Dinya wext dormaleyê roci dı geyrena çitayi yeni meydan?

.....

4-Nimkureya zımeysi dı zımıstan benateyê kamci tarixan dı yo?

.....

5-Turkiye dı mewsimi seni viyereni?

.....

.....

2-B Eg cumleyi cêrini raşt i (R) ğelet i (Ğ) binusên



Dinya hem dormaleyê xu dı hem zi dormaleyê aşm dı geyrena. (.....)

Mewsimo tor serd zımıstan, tor germ zi amnan o. (.....)

Tic wext zaf tani dana mewsimi payiz u zımıstani vıraziyeni. (.....)

Pê dormaleyê xu dı geyrayişê dinya mewsimi yeni meydan. (.....)

Hiri aşman dı dorêk mewsim bediliyeno. (.....)

2-C Pê kelimeyanê cêrinan cumleyanê neweyan binusên



Nimkure:

Mewsim:

Zime:

Qutub:

Verroc:

Germ:

3 Goştari bikerên u bıwanên



QIYMETÊ WEXTI

Ina hikaye Amerika dı Universiteya Northwestern dı benateyê yo profesori u wendekaranê ey dı viyerta. Ino profesor, kuweno dersa idareyê wexti.

Profesor, rocêk şino sınıf. Mudeyêk oniyeno wendekaran ra u dima vano:

-Ez eyro derheqê idareyê wexti dı tesela şıma keno.

Profesor, hetê kurseyi ra şino. Bınê kurseyi ra yo şuşe u wırdêsêk kerrayan veceno. Ini kerrayan yo bı yo dekeno zerreyê şuşeyi. Şuşe, heta fek debeno. Profesor, wendekaran ra perseno:

-Ino şuşe bı de?

Wendekari têdır cewab dani:

-Bı de!

Profesor vano:

-Hına wa?

Profesor beno çot, bınê kurseyi ra satılêk xiçan veceno u hêdi hêdi dekeno şuşe. Dıma şuşeyi têşano u xiçi zerreyê şuşeyi dı ca geni. Dıma perseno:

-Ino şuşe bı de?


Yo wendekar hına cewab dano:

-Ez vano qey denêbiyo!

Profesor vano:

-Raşt a!

Profesor dorêna beno çot, bınê kurseyi ra tasêk qum veceno. Tasa qumi hêdi hêdi keno veng u qum



zerreyê şuşeyi dı miyanê xıçan dı bena vıla. Profesor yona dor wendekaran ra perse-
no:

-Wendekari delali şuşe bı de?

Wendekari, heme piya qêreni:

-Nê!

Profesor vano:

-Hol o!

Profesor ina dor binê kurseyi ra yo surahi veceno. Awa surahi dekeno şuşe. Dorêna
verê xu tadano wendekaran u vano:

-Meqsedê ina tesel çita bı?

Wendekarêk cewab dano:


-Ma çendêk meşgul biêsi, heyna zi qey zobina gureyan wextê ma esto.

Profesor vano:

-Nê, hına niya! Ma ina tesel ra fam kerd ki; eg ma kerrayanê gırdan verco denêkeri,
ma nêşkeni kerrayanê qıcan ra dıma ca bıdı ê gırdan.

Wendakari şaş maneni u oniyeni yobinan ra. Profesor qalanê xu rê dewam keno:

-Heyatê ma dı kerrayi gırdi çita yi? Keyeyê ma, qıcı ma, merdımı ma, embazi ma,
tehsilê ma, gıyali ma, weşiya ma, xebatêka rınd, insanan rê holikerdiş u çıyanê ne-
weyan musnayiş... Kerrayi ma yi gırdi beno inan ra yo ya, beno çend heb i, beno zi
heme yi. Emşo rakotişi ra ver hol bıfıkiriyên u qerar bıdên, gelo kerrayi şıma yi gırdi
kamci yi? Bızanên! Eg şıma verco gureyanê xu yê muhiman nêkeri,
şıma nêşkeni gureyanê qıcan ra bıxelısi. Badêcu faydeyê şıma
nê reseno şıma nê reseno insanan nê zi reseno welatê şıma. Eg
hına bo fam beno ki şıma nê xebatkari hol i nê zi insani hol i.



3-A Goreyê nuşteyi cewabê persanê cêrinan binusên



1-Ina hikaye dı çıtayi ra behs beno?

.....

.....

2-Ina hikaye dı kamci şexısı esti?

.....

3-Ina hikaye ça dı viyerena?

.....

4-Şıma qey ina hikaye eşkeni kamci sernuşte binusi?

.....

3-B Pê kelimeyanê cêrinan cumle vırazên



kurseyi / kerrayan / binê / ra / yo / veceno / şuşe / u / wırdiyesêk

.....

perseno / wendekaran / profesor / dor / yona / ra

.....

çıtaya / ma / kerrayi / dı / heyatê / yi / girdi

.....

qedineno / sınıf / xu / veciyeno / u / ra / qala / profesor

.....

bıfıkırıyên / ra / ver / hol / rakotışi / emşo

.....

3-C Pê kelimeyanê cêrinan hikayeyêk binusên

wext

xebat

embaz

kay

beraday

wendış

her roc

kuçe

spor

ders

4 Nuşteyê cêrini bîwanên



DAYA HERR U BIRAYÎ MEWSİMÎ

Daya herr keyeyê xu di tikoteyna cuyena. Teynayı ay rê zaf giran yena u inay ra zaf bena tal. Rocêk wırzena şına meymantiya asimani. Berê asimani kuwena. Oniyena zerre ra yo hala hala yena. Ber abeno, asiman herr geno zerre. Herr persena:

- Ina çi hala hala ya?

Asiman vano:


- Ma seker, hala halaya mewsiman a. Mewsimi çar bırayi mışeqet i. Timotım dani piyer u yobinan dır pi nêkeni.

Herr vana:

- İnan mı rê bışıraw! Ez tikoteyna ya. Tiya ra pey wa keyeyê mı di bımani!

Asiman zi ino teklîf qebul keno. Inay ser ra daya herr ageyrena keyeyê xu u rayirê mewsiman pawena. Vercı bırayo qıç yeno. Ino bırayo zaf rınd u weş daya herr ra vano:

- Nameyê mı wesar o. Mı tu rê yo xelaya rınd arda.



Wesar heqbeyê xu akeno. Heqbeyê cı ra gılı zildayeyi, vıl u guli rengini, mirçiki vengzengili veciyeni.

Mudeyêk ra pey bırayê dıyın yeno. Nameyê ey zi amnan o. Amnan, wesari ra vano:

- Bıra ez ameya. Lazım o tı hını wırzi şiyeri!

Amnan dıma zi heqbeyê xu ra zê çileg, gilyaz, xox, alınc fekiyan veceno u dano daya herr.

Hiri aşman ra pey bırayê hiriyan yeno. Reng u ruçıkê inê bırayi zerd o. Ino bıra, daya herr ra vano:

- Ez payız o. Ez teynayi ra zaf hes keno. Ez ameyo, gereka amnan hını şiyero.

Payız teyr u tur fetılno, her ca keno zerık. Her ca ra heshera wı biriyena. Hirina aşman ra pey bırayê çarın veciyeno u yeno. Ino bıra payız ra tor gıdar o. Lezabez vılan u fêkiyan peritneno u wışk keno. Heqbeyê xu ra awêka sıpi veceno. Ina aw şaneno her çayi ra u her ca cemed besteno. Hetêk ra zi qêreno u vano:

- Nameyê mı zımıstan o, nameyê mı zımıstan o!

Çar bırayi keyeyê daya herr ra zaf hes keni, qet nêwazeni keyeyê ay bıterıkni. Dani piyer u kuweni têmiyan. Qêri u nali kona inan ser, her ca miyanê toz u dumaxi dı maneno. Daya herr hêrs bena u vana:

- Goşdariya mı bıkerên! Eg şıma pê dor yeni u keyeyê mı dı hiri aşmi vındeni bıyerên, eg şıma şer keni meyerên. Ez şıma têdır nêhewênena.

Ina qal ser ra bırayi mewsimi fikiriyeni. Benateyê xu dı omış beni u vateyê daya herr qebul keni.

Mewsimi hını o roc ra dıma pê dor beni meymani daya herr u her yo hiri aşmi keyeyê daya herr dı maneno.

- bışıraw
- Lazım o
- gereka
- Eg

4-A Goreyê nuşteyi cewabê persanê cêrinan binusên



1-Mewsimi çı ra her wext şer keni?

.....

2-Nameyê çar bırayan çita yo?

.....

3- Bırayo amnan heqbeyê xu ra çita veceno?

.....

4-Wext zımistan yeno her ca çita besteno?

.....

5-Çar bırayi seni omiş beni?

.....

4-B Mastaranê cêrinan goreyê sigayan biancin u pê ini raweyan cumle binusên



Xebitîyayîş	(Pê sigayê şerti biancin)
Persayîş	(Pê sigayê emiri biancin)
Şirawîş	(Pê sigayê waştîşî biancin)
Pawîş	(Pê sigayê şerti biancin)
Vatîş	(Pê sigayê lazîmî biancin)
Şiyayîş	(Pê sigayê emiri biancin)
Mendîş	(Pê sigayê şerti biancin)
Qêrayîş	(Pê sigayê waştîşî biancin)

Xebitîyayîş: Eg tî şan ra şan ders bixebîti, tî muwefeq beni.

.....

.....

.....

.....

.....

.....

.....

TEQWİM

Fotoğraf-1



Fotoğraf-4

TEMMUZ

02

Dışeme

Lumustan

Kanuno verin
Kanuno peyin
Sıbat

Wesar

Edar
Nisan
Gulan

Amnan

Heziran
Temuz
Tebax

Payiz

Keşkelon
Tışrino verin
Tışrino peyin

Şeme / Kiri / Dışeme / Sêşeme / Çarşeme / Pancşeme / Yene


TESERUF



Çır bı çır helbet beno pır.
(Vateyê Verinan)

Uniteya 6.

Trafik u Seyahet



1 Bıwanên u qısey bıkerên



Verni



Peyni



Bın




Zerre



Ser



Benate



Kışta raşt



Kışta çep



2 Bıwanên u qısey bıkerên



ÇITA KAMCA DI CA GENO

- Doman verniya masa dı ya.
- Pısing binê masa dı ya.
- Selıka fêkiyan serê masa dı ya.
- Kesa kışta raşt a masa dı ya.
- Arweş kışta çep a masa dı yo.
- Kurse peyniya masa dı yo.
- Kıtabi zerreyê çente dı yi.
- Pısing benateyê arweşi u kesa dı ya.

2-A Goreyê nuşteyi çita kamca dı ca geno



- 1-Masa doman dı ya.
- 2-Arweş pısing dı yo.
- 3-Masa keye dı ya.
- 4-Kitabi çente dı yi.
- 5-Çente doman dı yo.
- 6-Pısing masa dı ya.
- 7-Selıka fêkiyan masa dı ya.
- 8-Pısing kurse u doman dı ya.
- 9-Fêkiyi selık dı yi.
- 10-Bisiklet dar dı ya.

2-B Goreyê nuşteyi cayanê çıyan bıresnên yobinan



- 1-Bisiklet verniya masa dı ya.
- 2-Kurse bınê masa dı ya.
- 3-Kıtabi serê masa dı yo.
- 4-Pısing kıšta raşt a masa dı ya.
- 5-Selıka fêkiyan kıšta çep a masa dı yo.
- 6-Kesa peyniya masa dı yo.
- 7-Fêkiyi zerreyê çente dı yi.
- 8-Doman benateyê arweşi u kesa dı ya.
- 9-Pısing bınê dar dı ya.
- 10-Arweş zerreyê selık dı yi

2-C Goreyê resimi pê kelimeyanê cêrinan cumleyan binusên



verni

peyni

kışta çep

kışta raşt

benate

1- Salona sinema **benateyê** parka qıcan u kıtabxane dı ca gena.

2-

3-

4-

5-


6-

7-

8-

9-

10-



3 Goştari bikerên u biwanên



QEZAYA TRAFİKİ

Roco paşeme, hela şani bi. Dadiya Qumriye, verê berê mektebi dı baweyê ay bi. Qumriye seni ki dadiya xu di, hetê ay ser vazda. Dadi, verard şî keynaya xu ra. Qey kaya tiyatroy, Qumriye rê kinci lazımı bi. Qumriye u dadiya cı hetê çarşu ser koti rayir. Keyfê Qumriye ca dı bı. Pê gamanê gırdan gam eştên, lezabez şiyên. Tı vatên zê mirçık fir dana. Wext ameyi verê peyaviyeri vınderti. Çımê inan lembaya trafiki dı bı, takotışê lembaya keskpawitên.

Nışka ra pê yo qêri recıfıyayı. Wesayiti u insani vınderti. Herkesi hetê qêri ser vazda. Dadiya Qumriye zi aver şî. A zi dadiya xu dıma şî. Miyancıya rayir dı yo laco des duyey serre ravıste bı. Sare u çımı ey miyanê guni dı mendi bi. Herkesi yobinan ra persayên:

-Se biyo?



-Kam o?

-Merd o yan gani yo?

-Wax wax! Şıma vani merdımı ey çın i?

- Şıma geyrayi ambulans?

Qumriye hetêk ra goş nayên ini qalan ser hetêk ra oniyayên laceki ra. Birin u darba laceki gıran êsena. Zerra Qumriye pê laceki vêşa. Şoforo ki da bı laceki ru, riyê ey ters ver bıbı zê laçık. Pê lerz qeza ra behs kerdên:

-Willê, xetaya mı çın a. Ez zi wayirê qıcan o. Serranê inê laceki dı yo lacê mı zi esto. Mera mı waştên pê wesayit perudi. Raviyertış heqê mı bı. Ez zaf lez zi nêşiyên. Nışka ra... Se bı, a deqiqa dı bı u şı. Inê laceki ğafla ra xu eşt wesayit ver. Mı ca dı lıng na fren ser; labelê a ki bena bi...

O wext, yo mêrik cêr ra ame. Babiyê inê laceki bı. Lez ameyişê ey motên dikanê mêriki uca ra nızd bı. Seni lacê xu miyanê guni dı di, verard şı lacê xu ra. A lehza dı ambulans zi resa bi cayê inan.

Dadiya Qumriye, destê keynaya xu girot u pê qehıriyayış uca ra koti duri. Dadiya Qumriye hini destê keynaya xu veranêdên. Qumriye va:



-Dayê, tu çira destê mı hına wişkawişk depışto? Destê mı verad! Meters, ez bê peyaviyer cayêk ra nêşına wever.

Dadiya ay va:

-Tı hol kena keynaya mı! Teyna ina nê, çendêk qeydeyê trafiki esti gereka tı riayetê hemın bıkeri. Hereketanê polisê trafiki rê diqet bıker. Keynaya mı, lembaya ki trafik dı kuweni ta u şını hona tı menaya inan zana?

Qumriye va:


-Ê dayê. Ma mekteb dı musayi. Ma inay ser resım zi viraşt bı. Ma lembaya sur dı vındeni, lembaya zerd dı qey viyertişi xu keni hedre, ma lembaya kesk dı zi viyereni.

-Aferin, keynaya mı! De mı ra vac, tı hını çita zana?

-Gereka ma verni u peyniya wesayitanê vınderteyan ra nêviyeri. Ma timotım peyaviyer ra şiyeri. Lazım o ma bisiklet, rayirê bisiklet dı bıromi.

Dadi, lew na Qumriye ra u va:

-Zaf hol. Hına wa, gereka ma timotım diqet bıker. Her serr qezayanê trafiki dı pê hezaran insan mıreno, pê hezaran insan beno bırandar. Qezayi trafiki zafı ra bêdiqeti u goş qeydeyanê trafiki nêkuyayiş ra yeni meydan.



3-A Goreyê nuşteyi cewabê persanê cêrinan binusên



1-Dadiya Qumriye çira şîna verê mektebi?

.....

2-Qumriye u dadiya ay çira verê peyaviyer dî vînderti?

.....

3-Qezaya trafiki seni biya?

.....

4-Dadiya Qumriye çî ra destê ay wîşkawîşk depîşena?

.....

5-Qumriye derheqê qeydeyanê trafiki dî çîta zana?

.....

3-B Goreyê fıkiranê xu cewabê persanê cêrinan binusên



1-Goreyê şîma qezayê trafiki ra dîma pêserameyişê insanan raşt o yan ğelet o, çira?

.....

2-Goreyê şîma qezaya trafiki dî kami xeta kerda, çira?

.....

3-Eg şîma qezayêka hînayin bîdiyên, şîma se kerdên?

.....

4-Wext şîma şîni mekteb u mekteb ra yeni, diqetê kamci qeydeyanê trafiki keni?

.....

.....

.....

3-C Pê kelimeyanê cêrinan cumleyanê neweyan binusên




Lezabez:
 Vindertış:
 Peyaviyer:
 Bırin:
 Raviyertış:
 Takotış:

3-Ç Eg cumleyi cêrini raşt i (R) ğelet i (Ğ) binusên



Lembayi trafiki rengê sur, zerd u qehwe dı yi. (.....)
 Wext lembaya sur takoti bo wesayiti viyereni. (.....)
 Wext lembaya sur takoti bo peyayi vındeni. (.....)
 Lazım o merdim verni u peyniya wesayitanê vınderteyan ra nêviyero. (.....)
 Wext cayêk dı qeza bibo lazım o herkes mıdaxele bikero. (.....)


3-D Numreyanê muhiman u resiman biresnên yobinan



☎ 112
 ☎ 155



☎ 110
 ☎ 156



QEYDEYİ TRAFİK

Peyayi hê geyreni
Wesayiti hê şini
Polisê trafiki va
Ma hê trafik paweni

Wesayiti hê yeni
Mevac ez şino seni
Lembaya kesk ha kot ta
Bionî raşt u çepi

Uca dî serviyer çin o
Bıvıyer ho tu ver do
Lembaya kesk bıpaw
Eg bıvıyer zi çin o

Qeydeyanê trafiki
Biyarê verê çimi
Wa zaf diqet bıkeri
Ramitoğ u peyayi

Serviyerê peyayan
Rayiran u cadeyan
Zaf zaf diqet bıker cı
Meger birin u darbeyan

Rayir u kuçeyan dı
Kaykerdîşi warverd tı
Şu parkan u baxçeyan
Weşaweş kay bıker tı

4 Şıma derheqê resimanê cêrinan di çita zani, binusên




Fotoğraf-5

.....

.....

.....



Fotoğraf-6

.....

.....

.....



Fotoğraf-7

.....

.....

.....




Fotoğraf-8

.....

.....

.....



Fotoğraf-9

.....

.....

.....



Fotoğraf-10

.....

.....

.....

5 Nuşteyê cêrini bîwanên



BAXÇEYÊ HEYWANAN

Melimê ma ino hefte ma ra va, ma peyniya hefteyi dî şîni Baxçeyê Heywanan ê Gaziantebi. Ina xebera weş ra pey ma bî heyecan peyniya hefteyi pawit.

Ma roco şeme sêrsıbay ro ra verê mektebi dî kom biyi. Otobusa ma hedre bi. Herkes qoltuğa xu dî nuşt ru, herkesi kemerê xu gire da u otobus hereket kerd. Raywanti ra pey ma resayi baxçeyê heywanan.

Baxçeyê Heywanan ê Gaziantebi, Turkiye dî baxçeyê heywanano tor gird o. Tiya dî astoran ra heta ğezal u peskuyiyan, buman ra heta şewşewikan, maran ra heta timsahan, lu u arweşan ra heta kuzı u pıngan bî hezaran heywan esto. Her cısnê heywan rê goreyê cuyayışê ey cayêk vıraziya bî.

Wextê geyrayişi dî wezifedari baxçeyê heywanan ma dır geyrayi. Wezifederan heywani dayi şınasnayış u derheqê heywanan dî melumat da ma. Baxçeyê heywanan zaf qebralıx bî u her cayê welati ra insani ameyi bi.

Çend embazanê ma xu dır makinaya fotoğrafi ardi bi, ma pê ina makina fotoğrafi anti. Mı tor zaf heywananê meymun, zurafa, tuti ra hes kerd. Ma heta helê şani baxçe dî geyrayi.



5-A Nameyê heywanan xaçapers di binusên



H	A	C	K	R	I	Ş	D	I	J	E	K
E	L	H	E	C	H	E	C	I	K	Ê	L
Ş	A	O	S	Ç	E	X	U	W	Z	G	E
Z	L	M	A	R	L	P	I	S	İ	N	G
K	M	A	T	Y	I	E	P	Ş	Ğ	A	L
I	V	S	I	J	Ç	S	A	Ê	D	F	E
W	E	E	Y	L	U	K	R	A	N	P	G
E	R	X	U	A	Z	U	W	N	T	Z	N
Ş	G	Ğ	R	Z	A	V	E	Ş	O	A	I
W	C	B	K	E	N	İ	Ş	Ê	R	R	L
E	P	U	L	Ğ	O	G	U	M	M	E	I
Ş	Ê	M	Û	K	E	R	K	I	N	C	P

MAR
KESA
LU
HECHECIK
ĞEZAL
LEGLEG
ŞÊR
PİSİNG
ŞEWŞEWİK
PESKUVİ
PILING
MASE
ARWEŞ
HELI
ZAREC
MÊŞNA
DIJE
KERKINC
BUM
HEŞ
VERG

5-B Nameyê heywanan raşt binusên



UQNRADER

.....



IPAXPKAX

.....



EIRQNECIL

.....



REMCEOL

.....



EHRUMKŞ


.....



EJDI

.....

HOLI



**Kam hindê misqal holi bikero, mukafatê
ci vîno.**

(Zilzal-7)

Uniteya 7.

Xebata Serbest



1 Estanik

HER, KUTIK, PISING U DİK

Cayêk beno, cayêk nêbeno. Dewêk dı herê yo miyeriki beno. Miyerik heme kar u gureyê xu pê inê heri keno. Serr serr dıma şına, her hını beno pir, nêşkeno bar bianco.


Wayirê heri veng dano qıcanê xu u vano:

-Ino her hını biyo extiyar. Pê kar u gure nêbeno. Ma inê heri bîfêtlın, wa şiyero. Serrêna ma xu rê yo herê cıwani geni u pê kar u gureyê xu keni.

Qıcı, babiyê xu ra vani:

-Bawo! Tı seni vani ma hına keni. Hına hol beno. Xura zımıstan yeno. Ma debara heri zi dani dewarê xu. Ma ca dı fetılne ni wa şiyero.

Wexto ki ê zerre dı benateyê xu dı qısey keni, her zi verê pencera dı vaş weno. Her, vengê inan şınaweno; labelê hema nêzano se kero, qıcı miyeriki yeni teber u ey fetılne ni.



Hero pir qerqıliyeno, teqeno, fatisiyeno u xu bı xu vano, “Tu xu rê di inan se kerd. Ino berê zımıstani dı ez kerdo teber.”

Hero extiyar dano ra şıno. Xeylêk şıno, oniyeno yo kutıki mılê xu eşto xu ver u ho qerqıliyeno. Her baweyê cı vındeno, kutık yeno reseno heri. Her, kutıki ra perseno:

-Bıra! Tu sareyê xu eşto xu ver tı hê se ra şıni?

-Bıra! Hal meselaya mı hına wa. Ez qıctiya xu ra nat ina dew dı oniyeno pesê yo keyeyi ra. Mı tımotım pesê inan berdên, çerenayên u ardên. Heta inka benateyê mı u keye dı taba çin bı. Çend reyı pesı ver dı venik ez girota. O wext çend hebi pesı biyi vin. Inı pesı seni biyi vin hayiya mı pê çin a. Wext mı pes ardên keye, wayiri omartên u vatên pes tamam niyo. Rocêk qıcanê xu ra va: ‘Ino kutık hını biyo pir, nêşkeno pesê ma bıpawo. Cınawır ameyo ey ver ra pes berdo. Ma hını inê kutıki bıfetılın, wa şıyero. Ma serrêna xu rê yo kutıkê cıwani vıneni.’ Qıcanê ey zi va tamam. Qıci ey ca dı wırıştı we, dest eşt kerrayan, ez verê beri ra fetıl nawo.

Her, kutıki ra vano:

-Ya merdım! La meselaya mı zi zê ê tu wa. Xu zaf meqehırn. Ez vano bê ma bıbı embazê yobinan. Ma şı xu rê yo ca bıvin. Wa wesar bıyero, o wext Homa pil o.

Kutık zi vano:



-Temam bira! Ma hına biker.

Wirdi piya kuweni rayir, binêk ca şini oniyeni yo pisinga mılçot ha inan ra ver şına. Her u kutık şini reseni pising, pising ra vani:

-Se biyo tu? Qey tu hına mılê xu eşto xu ver, ti sera şına?

-Hal meselaya mı hına wa. Wext ez hema leyir biya ina dew ra yo merdımı ez berda keyeyê xu. O wext hol oniyayên mı ra. Şıt u mast dayên mı. Çunki o keye dı zaf merreyi bibi. Merreyan heme zexireyê inan werdên. Axırı mı heme merreyi kıştı. Labelê inay ra pey wayirê keyeyi hını qıymet nêda mı. Ez serê cılan ra fetıl nawa. Ina hew ez şiya merek, labelê ez uca ra zi fetıl nawa. Peyni dı mı rê ca nêmend ez zi kota rayir. Ez ax kena, la ez se kerî? Mı bızanê hına bena, mı merreyi nêkıştên. Mı keyeyê inan rê wayirti kerd, la inan mı rê wayirti nêkerd. Inka zi ez nêzana ez ha sera şına.

Kutık, pising ra vano:

-Ma biesşkên ma xu rê rayirêk kerdên a. Xu zaf meqehırn, ma zi zê tu yê. Bê ti zi ma dı embazti biker. Ma şı xu rê yo ca bıvin heta zımıstan raviyero. Wa wesar biyero, o wext Homa pil o.

Pising vana:

-Şıma zi zê mı yê. Temam, ez bena embaza şıma.



Hiri heme piya kuweni rayir u şini. Bînêk şini vengêk şinaweni. Oniyeni çik ho hetê inan ser yeno. Bînêk vîndeni, yo dik pê vazdayiş yeno reseno inan.

Her, diki ra vano:

-Se bî tu? Tî qey hîna hewar kenî, qiyam wîrîştî, se biyo?

Dik bînêk bîna xu dano u vano:

-Gelê embazan, la ez hewar nêkerî se bîkêrî? Aya ki ameya mî ser riyê erdan dî nêameya çoyî ser. Hal u meselaya mî hîna wa. Ez u vist birayê xu, ma piya yo keye dî cuyayên. Çî wext yo mîsafîr bîamên, wayîrê keyeyî yo birayê ma

gîrotên u berdên. Ma hîni ê birayê xu ra yo xeber nêgîrotên. Ma xu bî xu vatên ma ra zî yo tenî benî mîsafîrî het. Wext mîsafîrî wîrîştên u şiyên, ma oniyayên kîncî birayê ma hê ê derberan dî raşaye yî. Ma nêzanayên îna çî mesela wa. Mudeyêk hîna vîyert, heta mesela resa mî. Eyro heyîna yo mîsafîr ame. Mî xu bî xu va derê çî wext veng danî mî. Mî hend dî wayîrê keyeyî qîcanê xu ra

va: ‘Şiyerên dikê ma yê peyîni zî bîyarên. Merdîmêko zaf bî qiyet biyo mîsafîrê ma, ma ey rê sare bîrnenî.’ Wext mî mî qalî şînawîtî tay mend ez hîşa xu vîn bîkerî. Mî hema newe fam kerd ki birayî mî se biyî. A lehza dî Homayî quwet da mî, mî ca dî lîngî xu dardî we, mî fir da u ez dew ra veciyayo.



Qalanê diki ra pey her sareyê xu keno berz u vano:

-Xu zaf meqehrın. Tı zi biyi bırayê ma. Qederê ma maneno yobinan. Ma zi zê tu yi. Tı merg ra xelisiyayi bes o. Zımıstan biyo nızd. Lazım o verco ma xu rê cayêk bıvin.

Çar heme embazi kuweni rayir, xeylêk şını, miyanê yo gem dı duyêk vineni. Hetê duyî ser şını, duyî ra beni nızd, oniyeni du yo ban ra veciyeno. Reseni kışta bani. Her xu şano verê pencera, kutık veciyeno pašta heri, pısing xu tul kena pašta kutiki ser. Dik zi fir dano serê pašta pısing u oniyeno zerre ra.

Dik vano:

-Hiri teni hê zerreyê wadeyi dı verê pıxêri dı ronışteyi. Tıfingi inan zi hê verê inan dı yi.

Her, diki ra vano:

-Cad bê war. Wa ço tu nêvino.

Dik cad yeno war u vano:

-Ini seydari, wayirê keyeyi niyi. Ma seydaran bıfetılın, wa ban ma rê bımano. Ma aşmanê zımıstani tiya dı raviyarn.

Her vano:

-Ez kışta beri dı vındeno. Wa kutık bıne merdiwan dı vındero. Wa pısing xu bıerzo daldeyê dar. Dıma zi wa dik şiyero verê pencera u wa cam nequr bıkero. O wext seydari pê diki hesiyeni u vani ma diki bıkiş. Wext inan ber akerd u ameyi teber, ez paskul erzeno ver u wa merdiwanan ra lêr bıbi. Kam lêr bı wa kutık ey gaz bıkero. Eger vaco ez şiyeri dar u xu bıxelısnı ina hew zi wa pısing penc bıkero. Eger ma biyi serfiraz seydari remeni şını u keye ma rê maneno.

Heme vateyê xu keni yo. Dik şıno verê pencera u pencera nequr keno. Seydari diki vineni. Dik cad fir dano u şıno gılê yo dar.

Seydari vani:

-De bıoniyên gureyê Homayi ra. Ma hındêk geprayi taba ma dest nêkot, inka zi seyd ameyo ma ver. Adırê ma zi ho wekerde yo, ma cad diki bıkiş u bıwer.

Seydari tıfinganê xu geni u têdima xu erzeni teber. Kam ber ra yeno teber, her paskul dano peru. Kam paskul weno tıfingê ey dest ra pereno, o zi lêr beno u şıno kuweno bıne merdiwan. Uca dı zi kutık gaz dano peru. Uca ra remeni, vani ma şı dar u xu bıxelısn, labelê ina rey zi pısing penc erzena inan. Oniyeni xelasa inan çin a, remeni u şını.

Dik gilê dar ra veng dano, vano heme remayi şiyi, ço nêmeno. Ma eşkeni şî zerre.

Kutık vano:

-Cayêko zaf hol o. Lazım o ma wayirtiya keyeyi bıker.

Dik vano:

-Vateyê şıma zaf weş o. Feqet lazım o ma gureyê xu bar bıker.

Her vano:

-Kam eşkeno se bıkero, wa vaco.

Dik vano:

- Mı dew dı malati kerdên. Bê malati çik mı dest ra niyeno.

Pısing vana:

-Gureyê zerreyê keyeyi bîdên mı. Mı verco zi mo gure kerdên.

Kutık vano:

-Pawıtış gureyê mı wo. Ez zi şıma paweno.

Her vano:

-Şıma mı rê taba nêverda. Teyna rayberti mend. Ez zi şıma rê rayberti keno.

Inay ra pey xu rê ğele peyda keni. Werê xu vırazeni, pizeyê xu dekeni. Zerreyê keyeyê germi dı bêderd u bêbela cuyeni.



2 Kaya Çal

Ina kay pê dı tenan kay bena. Erd dı her kışt dı panc çali têhet dı keniyeni, çala pancın binêna gırd vıraziyena. Çar çalanê verinan ra her yo pê panc kerrayan debena. Her het dı çala gırd veng manena, ina çal embar a.


Kaykero verin çala xu ra kerrayan geno u her çala ki a çal ra dıma yena, yo bı yo kerra dekeno u yo kerra zi erzeno embarê xu. Kerrayi ey kamca dı bıqedı eg a çal dı kerrayi bıbi, inan geno u kay rê devam keno.

Kayker wext kerrayan dekeno çalan, kerrayan dekeno çalanê kaykerê bini; labelê kerra nêrzeno embarê ey.

Kayker wext kay keno çala ki kerra dekerd, eg a çal dı kerrayi nêmani, ina dor kaykero bin kay keno. Kaykero bin zi bı eyni qeyde, kerrayan geno dekeno çalan u embarê xu. Wext heme çalan dı kerrayi qediyayi u embar dı biyi pêser, o wext kerrayi newe ra debeni çalan.

Hetê kami dı kerrayi çal kêm bımani u çend çalan dı panc kerrayi çin bi, a çal qefiliyena u pê çik serê çal yeno girotiş, hini kerra a çal nêbena.

Kay pê çalanê akerdeyan devam kena u kaykeri heyna çalan ra kerrayan geni u devam keni. Heta yo het dı heme çali biyeri qefilnayış kay devam kena.



3 Vateyê Verinan

Edar edilneno, Nisan nasalneno, Gulan xemîlneno.
 Bırayê weri timotim hêrsbiyayi yo.
 Eg dar bi pil hîni çot nêbena.
 Eg merdım bıkuwero govend gereka bıreqısiyo.
 Gureyê yo hel, serevdeyê yo serr.
 Heta liye kel nêdo qedrê kundêz niyeno zanayiş.
 Kutıko ğıdar nêverdeno kutıko feqır biyero lax ser.
 Mekuwer pê beri, tı beni xeberi.
 Merdım ğısta xu qulan ra nêçarno mar zi nêceneno pede.
 Nê sir bıku nê zi wa buy bıdo.
 Peyniya tengi tım hirayi ya.
 Pirê memır wesar yeno, kalo memır pıncar veciyeno.
 Pıyanz çıqas fırk bo hındêk sare geno.
 Tele ra weli, weli ra tele kuweno.
 Yo dadi eşkena des qıcan weyeker, des qıci nêşkeni yo dadi weyekerı.



4 Dêki

- Çikê mî esto, tu wa besto.
- Leteyê nani, peyê bani.
- Beya poti qutiya giroti.
- Qayişê mî yo qerbelek o, binê erd dî felek o.
- Çikê mî esta, şew xebitiyena roc qeldiyena.
- Dî bırayî mî esti, eg yo ronîşo o bin wirzeno.
- Çikê mî esta, ez şîna a zi şîna, ez vîndena a zi vîndena.
- Çikê mî esto şîno geyreno, yeno keye dî fek akerde maneno.
- Mî şan bîzi xu kerdi gew, sêrsıbay wırışta gew venguvarit a.
- Mereka mî ha pırr simer, adır kot cı, simer vêşa, merek nêvêşa.



5 Kaya Omaran

Yo, dı, dıma hiri
Şını keyê miri
Nışeni herê suri
Vazdani zê tiri

Hiri, çar, mı va panc
Qaqıbnena zarenc
Şu zebeşan bısenc
Tımotım esta renc

Şeş, hot, serr biya heşt
Nata weta xu eşt
Vêşanan kerd de teşt
Aşiki ma şî geşt

Dı, hiri, vacên çar
Gılê gozêr dı mar
Goza xij keni war
Ma piya bıker bar

Çar, panc, bıomar şeş
Tu r' xela erdo weş
Fekê xu meker beş
Nano tu dıma heş

Hot, heşt, hını bı new
Dewıcan pes kerd gew
Roc dıma bena şew
Nêweşan gena tew

Panc, şeş, roci bi hot
Dadiya mı nan pot
Tuto qic dar ra kot
Kesi nêvet qet sot

Heşt, new, peyni d' vac des
Omartış hını bes
Wa biyero herkes
Kes nêmano bêkes



6

Lezvateyi

Ez qij tı qij
Serê Eli dı
Biya qij qij

Ga manga
Golık za
Pışkıl teqa
Weş a nêweş a
Weş a nêweş a

Eli Weli
Bezrê teli
Telı vêşa
Eli kışiya


Lo lo palingo gulşengo
Kerga xalan kuzan berda
Pê gıl koyana teyna werda
Nê aste nê poste
Bara şıma şıt şeker
Bara ma kul keder

Hot çikon dı çik çin o
Mar dı mıjı çin o
Kerg dı ciji çin o
Gol dı qapax çin o
Sol dı bezre çin o
Dik dı hak çin o
Asiman dı estun çin a
Qatır dı kura çin a


7 Viraştişê Fîrfîrik




1-Ma verco qey fîrfîrik kağıt, kinc ya zi naylonêk geni.




2-Ma melzemeyê xu zê resimê corini îşaret kenî, kıştan ra qat kenî u hetê cêri ra bîrnenî.



3-Dîma ma 2 çuwayan zê resimê corini bestenî yobinan a.



4- Ma cuwapey melzemeyê xu çuwayan a gîre dani.



5-Badina ma zê resimê corini la bestenî fîrfîrik a.



Resim-9

6-Fîrfîrika ma hedre ya. Inka zi fîrfîrika ma asiman dî fir dana.

8 Zebarı

Xala Gul, ciniyêka hotay serre ya. Mêrdeyê ay çend serri veri merd bı. Xala Gul, nêbibî wayirê lacan. Keynaya ay zi zewiciyayi bi. Xala Gul, keyeyê xu dı teyna cuyayên. Mangayi pawitên; pê şıt, mast, run, tontır, penirê inan idareyê xu kerdên. Wefatê mêrdeyê cı ra pey dewıcan kar u gureyê Xala Gul kerdên.


Hını wextê çınayışê vaşan bı. Hêrdışşıpiyanê dew ra Heci Ehmedi veng da dewıcan va, ‘Gelê bırayan, wextê çınayışê vaşan o. Ma herkes şını mergana xu çineni. Labelê vaşê Xala Gul nêçiyayi mend. Wa sıba her keye ra yo ten biyero pêser, ma beni zebarıyê Xala Gul u şını vaşê ay çineni.’

Sıbayerco her keye ra yo ten şı hêga u vaşê Xala Gul çına. Xala Gul zaf bi şa u dewıcan rê dua kerd.




9 Rayiro Raşt Bivinên

Morcelı kamci
rayir teqib
bıkero,
reseno keyeyê
xu.



Resim-10



Keyna kamci
rayir teqib bıker
resena sa.

10 Xaçapers

XAÇAPERS

milem 1	uysed 2	tukık 3	genimen 4	mismew 5
eğle 6	mıstanız 7	insan 8	rus melbaya 9	revseyir 10
pa 11	kirpı 12	zawar 13	laxeynak 14	yaw 15
apyız 16	miç 17	dandın 18	rezr 19	xotrot 20
reytic 21	ezım 22	coretve 23	takıb 24	lemeq 25

- 1-Kam mekteb dı ders dano.
- 2-Yo serr dı çend aşmi esti.
- 3-Kamci heywan laweno.
- 4-Arayi dı weriyeno.
- 5-Yo serr dı çar hebi esti.
- 6-Hêga dı çiniyeno.
- 7-Ino mewsim dı vor varena.
- 8-Yo aşma wesari.
- 9-Ina lembe dı wesayiti vındeni.
- 10- Cayêko tede peyaviyer çin bo ez esta.
- 11-Bırayê babiyê ma.
- 12-Babiyê dadiya ma.
- 13-Lacê waya ma.

- 14-Keynaya xala ma.
- 15- Keynaya dadiya ma ya.
- 16-Mektebi kamci mewsim dı abeni.
- 17-Ma pê ma wasla vineni.
- 18-Ma pê ma wasla nan caweni.
- 19-Ina wasla guniya ma pak kena.
- 20-Nêweşan muayene keno.
- 21-Cıt keno u hêga rameno.
- 22-Çar hetan ra yo het o.
- 23-Roc mo het ra veciyeno.
- 24-Mekteb dı her roc waniyeno.
- 25-Ma pê nuşte nuseni.

FERHENG



A

Adır: Ateş
Ageyrayış: Dönmek
Akerdiş: Açmak
Alawıtış: Yoğurmak
Alınc: Erik
Amnan: Yaz
Antış: Çekmek
Arayı: Kahvaltı
Ardımkerdiş: Yardım etmek
Ardış: Getirmek
Ardi: Un
Arêdayış: Toplamak
Argud: Yonca
Arısiyayış: Dinlenmek
Ari: Değirmen
Arweş: Tavşan
Astare: Yıldız
Astor: At
Aşm: Ay
Aver: İleri
Aw: Su
Axırı: Sonunda



B

Babkal: Ata
Badına: Sonra
Ban: Ev
Bar: Yük
Bawermend: İnanan
Bedıliyayış: Değişmek
Behrê Ege: Ege Denizi
Behro Sıpi: Akdeniz
Behro Siya: Karadeniz
Behskerdış: Bahsetmek

Benate: Ara
Ber: Kapı
Berdış: Götürmek
Bermayış: Ağlamak
Berme: Ağlama
Berz: Yüksek
Bes: Yeter
Bestış: Bağlamak
Bêy: Ayva
Bımbarekkerdiş: Kutlamak
Bın: Alt
Bınêna: Biraz daha
Bınvıyer: Altgeçit
Bıra: Erkek kardeş
Bırin: Yara
Bırindar: Yaralı
Bıriyayış: Kesilmek
Bırnayış: Kesmek
Bız: Keçi
Boyaxkerdiş: Boyamak
Bum: Baykuş
Buy: Koku
Buydayış: Kokmak



C

Ca: Yer
Caardış: Yerine getirmek
Cagırotış: Yer almak
Cawıtış: Çiğnemek
Cemed: Buz
Cemedbestış: Buz tutmak
Cew: Arpa
Cêr: Aşağı
Cıgeyrayış: Araştırmak
Cıl: Elbise
Cınıştış: Binmek
Cısn: Çeşit

Cıtkerdiş: Çift sürmek
Cıtyer: Çiftçi
Cıwan: Genç
Ciran: Komşu
Ciya: Ayrı
Cor: Yukarı
Cuapê: Sonra
Cuyayiş: Yaşamak



Ç

Çal: Çukur
Çarnayiş: Gezdirmek
Çend: Bazı, birkaç
Çep: Sol
Çerenayiş: Otlatmak
Çım: Göz
Çıqas: Ne kadar
Çırê: Hiçbir zaman
Çıta: Ne
Çınayiş: Biçmek
Çonqal: Baston
Çot: Eğri



D

Dalde: Gölge
Damari: Üvey anne
Dar: Ağaç
Darnequr: Ağaçkakan
Daru: İlaç
Dayiş: Vermek
Debar: Geçim
Debiyayiş: Dolmak
Decenayiş: Dikmek
Dedkeyna: Amcakızı
Dehkera: Konu
Dekerdiş: Doldurmak
Delal: Değerli

Depiştış: Tutmak
Derber: Etraf, civar
Derê: Hele
Derenca: Merdiven
Derg: Uzun
Derheq: Hakkında
Dest: El
Destakerde: Eli açık
Dêstır: Anında
Destpêkerdiş: Başlamak
Dew: Köy
Dewar: Büyükbaş hayvan
Deza: Amcaoğlu
Dezge: Tezgah
Dije: Kirpi
Dıkan: Dükkan
Dından: Diş
Dıştar: Nezle
Dik: Horoz
Diyari: Ziyaret
Doman: Çocuk
Dor: Sefer
Dormale: Çevre
Doruver: Çevre
Du: Duman
Dur: Uzak
Dusiyayiş: Yapışmak



E

Ecızkerdiş: Rahatsız etmek
Edar: Mart
Edelnayiş: Bekletmek
Embar: Depo
Embaz: Arkadaş
Embazti: Arkadaşlık
Emırber: Güngörmüş
Emkeyna: Halakızı
Emserr: Bu yıl

Emza: Halaoğlu
Engemin: Bal
Erd: Yer
Ereykotış: Geç kalmak
Esteritış: Silmek
Eyro: Bugün

🌀 🌀 🌀

Ê

Êrdiș: Sakal
Êsayiș: Görünmek

🌀 🌀 🌀

F

Famkerdiș: Anlamak
Fatisiyayiș: Boğulmak
Fek: Ağız
Fekbazi: Gevezelik
Fekveradayiș: Vazgeçmek
Felıtiyayiș: Kurtulmak
Fêki: Meyve
Fıkıriyayiș: Düşünmek
Fırfırık: Uçurtma
Fırınđi: Domates
Fırk: Seyrek
Fırırdayiș: Uçmak

🌀 🌀 🌀

G

Gaz: Isırık
Gazkerdiș: Isırmak
Gem: Ormanlık alan
Germ: Sıcak
Geșt: Dilenme
Gew: Ağıl
Geyrayiș: Gezmek
Gilyeș: Dağ eteđi
Gıran: Ağır
Gırd: Büyük
Gırênayiș: Kaynatmak

Gırırdayiș: Bağlamak
Gırotiș: Almak
Gırze: Bağ
Gilyaz: Kiraz
Goșsernayiș: Dinlemek
Goștarikerdiș: Dinlemek
Govend: Halay
Gozêr: Ceviz ağacı
Guler: Yuvarlak
Guni: Kan
Gure: İş

🌀 🌀 🌀

Ĝ

Ĝafla: Ani
Ĝele: Buğday
Ĝelet: Yanlıș
Ĝeyret: Çaba
Ĝezal: Ceylan
Ĝıdar: Azgın
Ĝıyal: Hayal

🌀 🌀 🌀

H

Hak: Yumurta
Hayi: Haber
Heb: Tane
Hehecık: Ebabil kușu
Hedrekerdiș: Hazırlamak
Hel: An
Helı: Kartal
Heme: Hepsi
Henar: Nar
Heqbe: Heybe
Her: Eșek
Herıdiyayiș: Küsmek
Hermuș: Köstebek

Herr: Toprak
Hesheraw: Ses seda
Hesır: Gözyaşı
Hesiyayış: Uyanmak
Heskerdış: Sevmek
Heş: Ayı
Het: Yön
Hewênayış: Ağrlamak
Hewılıyayış: Yer deđiřtirmek
Heyna: Yeniden
Hêdi hêdi: Yavaş yavaş
Hêga: Tarla
Hêrsbiyayış: Kızmak
Hına: Böyle
Hındêk: Bu kadar
Hını: Artık
Hira: Geniř
Hiş: Bilinç
Hivi: Umut
Holi: İyilik
Holikerdış: İyilik yapmak
Hon: Uyku
Hor: Bulut



I

Inka: Őimdi



İ

İmtıhan: Sınav
İnan: Bunlar
İřaretkerdış: İřaretlemek



K

Kam: Kim
Kanuno Peyin: Ocak
Kanuno Verin: Aralık

Kar: İř
Kay: Oyun
Kayker: Oyuncu
Kaykerdış: Oynamak
Kendal: Uçurum
Kendıř: Kazmak
Kerkınc: Yengeç
Kerra: Tař
Kesa: Kaplumbađa
Kesk: Yeřil
Keřkelon: Eylül
Keye: Ev, aile
Keyfırotıř: Neřelenmek
Kêm: Eksik
Kınc: Elbise
Kıřt: Yön
Kıřta çep: Sol taraf
Kıřta rařt: Sađ taraf
Kıřtdayıř: Kenara koymak
Kıřtıř: Öldürmek
Ko: Dađ
Kombiyayıř: Toplanmak
Kuçe: Sokak
Kundêz: Kepçe
Kurm: Huy
Kuzı: Sansar



L

Lac: Ođul
Laçık: Tülbent
Lap: Avuç
Lax: Leř
Leckerdıř: Kavga etmek
Legleg: Leylek
Lehif: Yorgan
Lehza: An
Lerz: Titreme
Leř: Beden

Lete: Parça
Lew: Dudak
Lewe: Kenar
Leye: Kazan
Leyir: Yavru
Lezabez: Çabucak
Lezkerdiş: Acele etmek
Lêl: Bulanık
Lêrbiyayiş: Yuvarlanmak
Lêrkerdiş: Yuvarlamak
Lêş: Kir
Lêşin: Kirli
Ling: Ayak
Loqla: Bağırşak
Lu: Tilki



M

Mala: İmam
Manga: İnek
Mar: Yılan
Mast: Yoğurt
Mehla: Mahalle
Melım: Öğretmen
Melumat: Bilgi
Melumatdayiş: Bilgi vermek
Mendiş: Kalmak
Merdım: Adam
Merdımati: Akralalık
Merdiş: Ölmek
Merek: Samanlık
Merg: Çayırılık
Merg: Ölüm
Merre: Fare
Mesul: Sorumlu
Meyman: Misafir
Meymanti: Misafirlik
Mêrde: Koca
Mêrik: Adam

Mêşna: Koyun
Mıl: Boyun
Mıntıqa: Bölge
Mıqatbiyayiş: Korumak, sahip çıkmak
Mırad: Dilek
Mırdamırd: Doya doya
Mışag: İşçi
Mışequeti: Yaramazlık
Mışequetikerdiş: Yaramazlık yapmak
Mihwer: Eksen
Mir: Hamur
Mirçık: Kuş
Mıyan: Ara
Mıyanci: Orta
Mocnayış: Göstermek
Morcele: Karınca
Motış: Göstermek
Mude: Süre
Munaqeşe: Tartışma
Musayış: Öğrenmek
Musnayış: Öğretmek



N

Nali: İnleme
Nan: Ekmek
Nanpoc: Fırıncı
Nasalnayış: Süzmek
Nengu: Tırnak
Neqışnayış: Süslemek
Nequr: Gaga
Nequrkerdiş: Gagalamak
Nerm: Yumuşak
Newe: Yeni
Nexşin: Süslü
Nêweş: Hasta
Nêweşxane: Hastahane
Nişka: Ani
Nızd: Yakın

Nızdi: Yakınlık
Nimkure: Yarı küre
Nuştış: Yazmak



O

Omar: Sayı
Omartış: Saymak
Omışbiyayış: Anlaşmak
Oniyayış: Bakmak



P

Pak: Temiz
Pakdepiştış: Temiz tutmak
Pakğırotış: Temiz tutmak
Paki: Temizlik
Pakker: Silgi
Paryez: Diyet
Paskul: Tekme
Paştdayış: Desteklemek
Patos: Patoz
Pawıtış: Beklemek, korumak
Payız: Sonbahar
Pedecenayış: Sokmak
Pel: Yaprak
Penc: Pençe
Penckerdış: Tırmalamak
Perayış: Fırlamak
Pers: Soru
Persayış: Sormak
Perunayış: Sırtlamak
Pes: Küçükbaş hayvan
Peskuvi: Dağ keçisi
Peşmiriyayış: Tebessüm etmek
Pey: Sonra
Peyaviyer: Yaya geçidi
Peydakerdış: Temin etmek
Peyni: Arka, son

Pêlek: Torba
Pêrodayış: Kavga etmek
Pêserameyiş: Toplanmak
Pêserardış: Bir araya getirmek
Pêya: Yaya
Pıling: Kaplan
Pırrbiyayış: Dolmak
Pısing: Kedi
Pıxeri: Şömine
Pikerdış: Anlaşmak
Pil: Büyük
Pir: Yaşlı
Pirik: Dede
Piya: Birlikte
Piyanz: Soğan
Piyeş: Taraf
Pize: Karın
Pizedekerdış: Karın doyurmak
Por: Saç
Potış: Pişirmek
Puç: Çürük
Purn: Fırın



Q

Qal: Söz
Qam: Boy
Qas: Kadar
Qaşul: Kabuk
Qaşuliyayış: Kabuk atmak
Qayış: Kemer
Qedinayış: Bitirmek
Qediyayış: Bitmek
Qefiliyayış: Yorulmak
Qefilnayış: Kapatmak
Qehriyayış: Üzölmek
Qeldiyayış: Devrilmek
Qerardayış: Karar vermek
Qerbelek: Alacalı

Qerqıliyayış: Kıpırdanmak
Qesnayış: Kesmek, kırpmak
Qey: İçin
Qeydkerdış: Kaydetmek
Qezençkerdış: Kazanmak
Qêrayış: Bağırmaq
Qêri: Çıǵlık
Qıç: Küçük
Qıçkek: Küçücük
Qırık: Boğaz
Qırıncele: Kurbağa
Qom: Eş dost, akraba
Quti: Sandık



R

Radayış: Yola çıkmak
Rakerdış: Sermek
Rakotış: Yatmaq
Ramıtış: Sürmek
Ramıtıǵ: Sürücü
Ramocnayış: Göstermek
Ramotış: Göstermek
Raşaye: Saçılmış
Raşt: Sağ, doğru
Raştameyış: Rastlamak
Raşte: Düzlük alan
Ravıstış: Sermek
Raviyertış: Geçmek
Rayır: Yol
Raywan: Yolcu
Raywanti: Yolculuk
Recıfıyayış: Titremek
Rencan: Yorgun
Rencani: Yorgunluk
Reqısiyayış: Dans etmek
Resayış: Ulaşmaq
Rey: Kez
Reyna: Yine

Rêz: Sıra
Rık: İnat
Rıkdar: İnatçı
Rınd: Güzel
Rındı: Güzellik
Rıpel: Sayfa
Rız: Pirinç
Riyê erd: Yeryüzü
Roc bı roc: Günden güne
Roc: Gün
Rocawan: Batı
Rocawanê Verroci: Güneybatı
Rocawanê Zımeysi: Kuzeybatı
Rocvete: Doǵu
Rocveteyê Verroci: Güneydoǵu
Rocveteyê Zımeysi: Kuzeydoǵu
Ronayış: İndirmek
Ronıştış: Oturmak
Roniayış: Konulmak
Roşan: Bayram
Roşn: Aydınlik
Ruçık: Çehre
Run: Yağ



S

Sarebırnayış: Kesmek
Satıl: Bakraç
Seba: İçin
Selik: Küfe
Semed: İçin
Seqet: Engelli
Ser: Üst
Serdgırotış: Soğuk algınlığı
Serevde: Başa kakma
Serfırazi: Başarı
Sernuşte: Başlık
Serr: Yıl
Serna: Ertesi yıl

Serviyer: Üstgeçit
Seydar: Avcı
Sêrsıbay: Sabah
Sıbayerco: Ertesi gün
Sıfre: Sofra
Sımer: Saman
Sıpi: Beyaz
Sir: Sarımsak
Sol: Tuz
Sot: Ses
Sur: Kırmızı



Ş

Şabiyayış: Sevinmek
Şane: Tarak
Şar: Halk
Şarıstan: Şehir
Şaşmendiş: Şaşırmaq
Şayi: Sevinç
Şeqıtnayış: Savurmak
Şeqızıyayış: Utanmaq
Şer: Kavga
Şew: Gece
Şewşewık: Yarasa
Şexıs: Kişi
Şılı: Yağmur
Şımasnayış: Tanımaq
Şınawıtış: Duymaq
Şırawıtış: Göndermek
Şıt: Süt
Şıtış: Yıkamak
Şıxulnayış: Kullanmaq
Şiret: Nasihat
Şiyayış: Gitmek
Şorba: Çorba



T

Taba: Bir şey
Tadayış: Çevirmek
Takotış: Yanmaq
Talebe: Öğrenci
Tanayış: Öğütmek
Teber: Dışarı
Tele: Diken
Ten: Kişi
Tengasi: Zorluk
Tengzerr: Bunalmaq, sıkılmak
Teqayış: Çatlamak
Teqızakerdış: Acele etmek
Teqıbkerdış: Takip etmek
Terek: Raf
Terew: Turp
Terıknayış: Terk etmek
Ters: Korku
Tesbitkerdış: Tesbit etmek
Tesel: Deneme
Teselkerdış: Denemek
Tesirkerdış: Etkilemek
Tetkikkerdış: İncelemek
Teyare: Uçak
Teyna: Yalnız
Têdıma: Peşpeşe
Têgeyrayış: Hareket etmek
Têmikerdış: Tembihlemek
Têmiyankotış: Birbirine girmek
Têşayış: Sallamak
Têşiyayış: Sallanmaq
Têşt: Leğen
Tıkoteyna: Yapayalnız
Tımotım: Her zaman
Tic: Güneş
Tiya: Bura
Tofan: Tufan
Tontır: Çökelek

Tor: En
Torn: Torun
Torzin: Balta
Toxtor: Doktor
Tulkerdiş: Fırlatmak
Tut: Çocuk
Tuti: Papağan



U

Uca: Orası



V

Va: Rüzgar
Vaciyayış: Söylenmek
Varan: Yağmur
Varayış: Yağmak
Varnayış: Yağdırmak
Vaş: Ot
Vaşturi: Orak
Vatış: Söylemek
Vay: Ark
Vaydayış: Savurmak
Vazdayış: Koşmak
Veciyayış: Çıkmak
Vengdayış: Seslenmek
Vengovarıt: Bomboş
Vengzengıl: Güzel sesli
Venık: Uyku
Veradayış: Bırakmak
Verard: Kucak
Verco: Önce
Verg: Kurt
Verni: Ön
Verroc: Güney
Vetiş: Çıkarmak
Veyv: Gelin
Vêrsi: Gölge

Vıl: Çiçek
Vılabiyayış: Yayılmak
Vındertış: Durmak
Vıraştış: Yapmak
Vıraziyayış: Yapılmak
Vıstore: Kayınbaba
Vısturi: Kaynana
Vicnayış: Seçmek
Vinayış: Görmek
Virakerdiş: Unutmak
Viyertış: Geçmek
Vor: Kar



W

Warameyiş: İnnek
Warverdayış: Bırakmak
Wasla: Organ
Waştış: İstemek
Way: Kız kardeş
Wayir: Sahip
Wayirti: Sahiplik
Wedarıtış: Kaldırmak
Wekerdış: Yakmak
Welat: Memleket
Wendekar: Öğrenci
Wendiş: Okumak
Wenık: Serin
Weniştış: İnnek
Wer: Yemek
Werdış: Yemek
Werıkna: Keşke
Werwerdiş: Yemek yemek
Wesar: İlkbahar
Wesayit: Araba
Wesıf: Özellik
Weşe: Başak
Weşi: Sağlık
Wever: Karşı taraf

Wext: Süre
Weyekerdış: Beslemek
Wezife: Görev
Wezifedar: Görevli
Wırdês: Avuç
Wırıştış: Kalkmak
Wışk: Kuru
Wışkawışk: Sıkıca
Wuye: Kürek



X

Xalkeyna: Dayıkızı, teyzekızı
Xalza: Dayıoğlu, teyzeoğlu
Xapınayış: Kandırmak
Xapxapık: Çalığışu
Xatırwaştış: Veda etmek
Xebat: İş
Xebatkar: İşçi
Xeber: Haber
Xebıtiyayış: Çalışmak
Xela: Ödül
Xelas: Kurtuluş
Xemılınayış: Süslemek
Xet: Hat
Xeta: Yanlış
Xırabı: Kötülük
Xıyar: Salatalık
Xiç: Çakıl
Xox: Şeftali
Xuradayış: Giyinmek
Xurt: Şişman
Xuvirakerdış: Unutmak



Y

Yobinan: Birbiri



Z

Zama: Damat
Zanayi: Bilgili
Zanayış: Bilmek
Zarec: Keklik
Zebarı: İmece
Zebeş: Karpuz
Zengene: Kazma
Zerd: Sarı
Zergun: Yeşil
Zerikiyayış: Sararmak
Zerre: İç
Zerrerm: Yumuşak huylu
Zerrtal: Gönlü kırık
Zexire: Erzak
Zêdiyayış: Çoğalmak
Zêpi: Aynı
Zıme: Kuzey
Zımıstan: Kış
Zınar: Kaya
Zıxm: Sağlam
Zıldayış: Filizlenmek
Ziyarkerdış: Ziyaret etmek
Zobina: Başka
Zur: Yalan

ÇIMEYİ

- MEB. (2016) Ortaokul ve İmam Hatip Ortaokulu Yaşayan Diller ve Lehçeler Dersi (Kürtçe; Kurmanca ve Zazaca 5-8. Sınıflar) Öğretim Programı, Ankara: MEB Yayınları.

RESİM U FOTOĞRAFI

- Resim u fotoğrafi ki rıpelanê 10, 11, 15, 16, 17, 19, 20, 21, 23, 26, 27, 28, 30, 31, 32, 35, 36, 37, 39, 42, 44, 45, 47, 49, 50, 54, 55, 58, 59, 60, 62, 64, 65, 66, 68, 70, 71, 80, 81, 83, 84, 86, 87, 90, 91, 93, 94, 95, 96, 98, 103, 106, 107, 108, 109, 111, 112, 113, 115, 116, 117, 118 dı ca girot, hetê Şemal Medya ra peyda biyi.

Resim-1; 43951203 • Resim-2; 62386388 • Resim 3; 9553936 • Resim-4; 27255709

• Resim-7; 45970721 • Resim-8; 28328871 • Resim-9; 696168430 • Resim-10; 489690505 benateyê tarixanê 01.06.2019 - 07.01.2019 dı hetê Şemal Medya ra <https://www.canstockphoto.com> ra ameyi êrinayış.

• Resim-6; www.cografyaharita.com/haritalarim/4lturkiye-mulki-idare-haritasi5.png ra ameyo girotiş.

• Fotoğraf-1; 9226997 • Fotoğraf-2 4530848 • Fotoğraf-3; 15263316 • Fotoğraf-5; 13440930 • Fotoğraf-7; 10133560 • Fotoğraf-8; 45616761 • Fotoğraf-9; 37610711, Fotoğraf-10; 0617831 benateyê tarixanê 01.06.2019 - 07.01.2019 dı hetê Şemal Medya ra <https://www.canstockphoto.com> ra ameyi êrinayış.

• Fotoğraf-4, Fotoğraf-6; arşiva Şemal Medya ra ameyi girotiş.

CEWABÊ DÊKAN (RIPEL: 114)

Name

Meyit

Lehif

Vêrsi

Astareyi

Aşm

Mar

Terazi

Sol

Soba